

四庫全書

子部

欽定四庫全書

子部

證治準繩卷六十五

詳校官太醫院恩糧<sub>臣</sub>孔毓秀

編修<sub>臣</sub>倉聖脈覆勘

總校官進士<sub>臣</sub>

朱鈐

校對官學正<sub>臣</sub>

翁樹棠

謄錄監生<sub>臣</sub>

羅善慶

欽定四庫全書

證治準繩卷六十五

明 王肯堂 撰

女科

胎前門

逐月養胎法

北齊名醫徐之才云妊娠一月名始胚飲食精熟酸美  
受御宜食大麥母食腥辛是謂纔正 妊娠一月足厥

陰脉養不可針灸其經

如大敦行間太衝中封五里中郗等穴是也

足厥陰

內屬于肝肝主筋及血一月之時血行否澀不為力事

寢必安靜無令恐懼

妊娠一月陰陽新合為胎寒多

為痛熱多卒驚舉重腰痛腹滿胞急卒有所下當預安

之宜服

烏雌雞湯

烏雌雞

一隻治如食法

茯苓

阿膠

各二兩

吳茱萸

升麥門冬

五合去心

人參

芍藥

白朮

各三兩

甘草

生薑

各一兩



右㕮咀以水一斗二升煮雞取汁六升去雞下藥煎  
取三升內酒三升并膠烱盡取三升放溫每服一升

日三

補胎湯 若曾傷一月胎者當預服此 細辛一兩防風

二兩熟地黄 白朮各三兩生薑四兩吳茱萸 大麥各五

合烏梅一升

右八味㕮咀以水七升煮取二升半分三服先食服  
寒多者倍細辛茱萸熱多渴者去之加瓜蒌根二兩

若有所思去大麥加柏子仁三合一方有人參一兩  
妊娠二月名始膏無食辛臊居必靜處男子勿勞百節  
皆痛是為胎始結 妊娠二月足少陽脉養不可針灸

其經

如膽竅丘墟付陽絕骨外立陽陵泉等穴是也

足少陽內屬於膽膽主精

二月之時兒精成於胞裏當慎護驚動也 妊娠二月

始陰陽踞經有寒多壞不成有熱即萎悴中風寒有所  
動搖心滿臍下懸急腰背強痛卒有所下乍寒乍熱宜  
服

艾葉湯 艾葉 丹參 當歸 麻黃各二兩 人參 阿

膠

各三兩

甘草

一兩 生薑

六兩 大棗

十二枚

右九味㕮咀以酒三升水一斗煮減半去滓內膠煎取三升分三服一方用烏雌雞一隻宿肥者治如食法割頭取血內三升酒中相和次以水一斗二升先煮取汁去雞內藥煎取三升內血酒并膠煎取三升分三溫服

黃連湯 若曾傷二月胎者當預服此 黃連 人參

各一兩

吳茱萸

五合生薑

三兩

生地黄

五兩

一方用阿膠

右五味㕮咀以酢漿七升煮取三升分四服日三夜一十日一修合若頗覺不安加烏梅一升加烏梅者不用漿直用水耳一方用當歸半兩

妊娠三月名始胎當此之時未有定儀見物而化欲生男者操弓矢欲生女者弄珠璣欲子美好數視璧玉欲子賢良端坐清虛是謂外象而內感者也 妊娠三月

手心主脉養不可針灸其經

如中衝勞官大陵內關間使郄門曲澤等穴是也

手心主內屬於心哀悲母思慮驚動 妊娠三月為定  
形有寒大便青有熱小便難不赤即黃卒驚恐憂愁嗔  
怒喜頓仆動於經脉腹滿繞臍若痛或腰背卒有所下  
宜服

雄雞湯

雄雞

一隻治  
如食法

黃芩

白朮

生薑

各一兩

麥門

冬

五合

芍藥

大棗

十二枚

甘草

人參

茯苓

阿

膠

各二兩

右為呔咀以水一斗三升煮雞減半出雞內藥煮取

半內清酒三升并膠煎取三升分三服一日令盡當  
溫卧一方用當歸芎各一兩不用黃芩生薑

茯神湯 曾傷三月胎者當預服此方 茯神 丹參

龍骨各一兩 阿膠 當歸 甘草 人參各二兩 大棗

二十一 赤小豆二十一  
枚擘一粒

右九味㕮咀以酢漿一斗煮取三升分四服先食服

七日後服一劑腰痛者加桑寄生二兩深師有薤白二兩麻子一升

丹一婦人但有孕至三箇月左右必墮其脉左手

大而無力重取則瀉知其血少也以其妙年只補中  
氣使血自榮時初夏教以濃煎白朮湯下黃芩末一  
錢與數十貼得保全而生因思之墮於內熱而虛者  
於理為多曰熱曰虛當分輕重蓋孕至三月上屬相  
火所以易墮不然何以黃芩熟艾阿膠為安胎妙藥  
也 婦人經候三月驗法川芎生朮濃煎湯空心下  
一匙腹中微動者是有胎

妊娠四月始受水精以成血脉食宜稻粳羹宜魚鴈是

謂盛氣血以通耳目而行經絡 妊娠四月手少陽脉

養不可針灸其經

如關衝陽池內關三陽天井曲垣等穴是也

手少陽內輸

三焦四月之時兒六腑順成當靜形體和心志節飲食

妊娠四月有寒心下愠愠欲嘔胸膈滿不欲食有熱

小便難數數如淋狀臍下苦急卒風寒頸項強痛寒熱

或驚動身軀腰背腹痛往來有時胎上逼胸心煩不得

安卒有所下宜服

菊花湯

菊花

雞子大一團

麥門冬

一升大棗

十二枚

人參

一兩半



甘草

當歸各二兩

麻黃

阿膠各三兩

半夏四兩  
生薑

五兩

右十味㕮咀以水八升煮減半內清酒三升并阿膠煎取三升分三服溫卧當汗以粉粉之護風寒四五日一方用烏雌雞一隻煮汁煎藥

調中湯 若曾傷四月胎者當預服此

白芍藥

生薑各四兩

厚朴

生李根白皮

枳實

白朮

柴胡各三兩

續斷

芎藭

甘草各一兩

當歸

一兩

半

右十二味㕮咀以水一斗煮取三升分四服日三夜

一八日後復一劑

妊娠五月始受火精以成其氣卧必晏起沐浴浣衣深  
其居處厚其衣服朝吸天光以避寒殃其食稻麥其羹  
牛羊和以菜苳調以五味是謂養氣以定五臟 妊娠五月

足太陰脉養不可針灸其經

如隱太白都公孫商丘三陰交漏谷陰陵泉等穴是

也足太陰內輸於脾五月之時兒四肢皆成無大饑無

甚飽無食乾燥無自炙熱無大勞倦 妊娠五月有熱  
苦頭眩心亂嘔吐有寒苦腹滿痛小便數卒有恐怖四  
肢疼痛寒熱胎動無常處腹痛悶頓欲仆卒有所下宜  
服

阿膠湯

阿膠

四兩

人參

一兩

生薑

六兩

當歸

芍藥

甘草

黃芩

各二兩

旋覆花

二兩

吳茱萸

七合

麥門冬

一升

升

右十味㕮咀以水九升煮藥減半內清酒三升并膠  
微火煎取三升半分四服日三夜一先食服便愈不

瘕再服一方用烏雌雞一隻割取咽血內酒中以水  
煮雞汁煎藥減半內酒并膠煎取三升半分四服

安中湯 曾傷五月胎者當預服此

黃芩

一兩

當歸

一兩

芎藭

乾地黄

人參

各二兩

甘草

芍藥

各三兩

生薑

六兩

麥門冬

一升

五味子

大麻仁

各五兩

大棗

三十枚

右十二味㕮咀以水七升清酒五升煮取三升半分  
四服日三夜一七日復服一劑

安胎當歸湯 若妊娠五月舉動驚愕胎不安小腹痛

引腰胎小便下血 當歸 阿膠炒 川芎 人參各一

兩 大棗十二枚 艾葉一把

右以酒水各三升煮至三升內膠令烊分三服一方  
有甘草無參棗

妊娠六月始受金精以成其筋身欲微勞無得靜處出  
遊於野數觀走犬及視走馬食宜鷙鳥猛獸之肉是謂  
變腠理細筋以養其力以堅背脊 妊娠六月足陽明

脉養不可針灸其經

如鴈兌豐隆市上足陽明內屬下廉三里等穴是也

足陽明內屬

於胃主其口目六月之時兒口目皆成調五味食甘美

無太飽

妊娠六月卒有所動不安寒熱往來腹內脹

滿身體腫驚怖忽有所下腹痛如欲產手足煩疼宜服

麥門冬湯

麥門冬一升人參

甘草

黃芩

各二兩

乾地

黃

三兩

阿膠

四兩

生薑

六兩

大棗

十五枚

右八味以水七升煮減半內清酒二升并膠煎取三

升分三服中間進糜粥一方用烏雌雞一隻煎汁煎

藥

柴胡湯 若曾傷六月胎者當預服此方

柴胡

四兩

茯苓

一兩

白朮

芍藥

一作紫葳

甘草

麥門冬

芡實

各二兩

生薑

六兩

乾地黄

五兩

大棗

三十枚

右㕮咀以水一斗煮取三升分四服日三夜一中間  
進糜粥勿食生冷及堅硬之物七日更服一劑一方  
有黃芩二兩

旋覆花湯 集驗療妊娠六七月胎不安常處亦治阻

病

旋覆花

一兩

厚朴製

白朮

枳殼

黃芩

炒茯苓

各三兩

半夏

炒一兩

芍藥

生薑

各二兩

右以水一斗煮取二升半分五服先食服日三夜二

忌羊肉餒醋桃李雀肉

妊娠七月始受木精以成其骨勞身搖肢無使定止動  
作屈伸以運血氣居處必燥飲食避寒常食稻粳以密  
腠理是謂養骨而堅齒 妊娠七月手太陰脉養不可

針灸其經

如少商魚際列缺尺澤天府等穴是也

手太陰內屬於肺主皮



毛七月之時兒皮毛已成母大言母號哭母薄衣母洗浴母寒飲 妊娠七月忽驚恐搖動腹痛卒有所下手足厥冷脉若傷寒煩熱腹滿短氣常苦頸項及腰背強蔥白湯主之

蔥白

長三四寸  
十四莖

半夏

麥門冬

各一升

旋覆花

二合黃

芩

一人參一兩  
兩半

甘草

當歸

黃芪

各三兩

阿膠

四兩

生薑

八兩

右十一味㕮咀以水二升煮減半內清酒三升及膠

煎取四升每服一升日三夜一溫卧當汗出若不出者加麻黃二兩煮服如前法若秋後勿強責汗一方以黃雌雞一隻割咽取血內酒中煮雞取汁以煎藥杏仁湯若曾傷七月胎者當預服此

杏仁

甘草

各二兩

紫苑

一兩

鍾乳

乾薑

各三兩

麥門

冬

吳茱萸

一升

粳米

五合

五味子

三合

右九味㕮咀以水八升煮取三升半分四服日三夜一中間進食七日服一劑一方用白雞一隻煮汁煎

# 藥

妊娠八月始受土精以成膚革和心靜息無使氣極是謂密腠理而光澤顏色 妊娠八月手陽明脉養不可針

灸其經

如商陽二間合谷上下廉三里曲池肩井肩髃等穴是也

手陽明內屬於大

腸主九竅八月之時兒九竅皆成母食燥物母輒失食母忍大起 妊娠八月中風寒有所犯觸身體盡痛乍寒乍熱胎動不安常苦頭眩痛繞臍下寒時時小便白如米汁或青或黃或使寒慄腰背苦冷而痛目眈眈芍

藥湯主之

芍藥

生薑

各四兩

厚朴

二兩

甘草

當歸

白朮

人參

各三兩

薤白

切一升

右八味㕮咀以水五升清酒四升合煮取三升分三服日再夜一一方用烏雌雞煮汁以煎藥

葵子湯

若胃傷八月胎者當預服此

葵子

二升

甘草

厚朴

各二兩

白朮

柴胡

各三兩

芍藥

四兩生薑

六兩

大棗

二十枚

右八味咬咀以水九升煮取三升分三服日三凡十日一劑一方用烏雞一隻煮汁煎藥

丹溪縮胎丸 八九箇月用之

黃芩

夏一兩秋七錢冬半兩酒炒

白朮

二兩陳皮三兩茯苓七錢

右為末粥丸桐子大

妊娠九月始受石精以成皮毛六腑百節莫不畢備飲醴食甘緩帶自持而待之是謂養毛髮致才力 妊娠

九月足少陰脉養不可針灸其經

如湧泉然谷大谿交信築賓伏溜等穴是

也足少陰內屬於腎腎主續縷九月之時兒脉續縷皆成無處濕冷無著炙衣 妊娠九月若卒得下痢腹滿懸急胎上衝心腰背痛不可轉側短氣宜服

半夏湯 半夏 麥門冬 吳茱萸 當歸 阿膠

各三

兩 乾薑 一大棗十二枚

右七味㕮咀以水九升煮取三升去滓內白蜜八合微火上溫服四服痢即止一方用烏雌雞一隻煮汁

煎藥

豬腎湯 若曾傷九月胎者當預服此

豬腎

具一

茯苓

桑寄生

乾薑

乾地黄

芎藭

各三兩

白朮

四兩

附子

中者一枚

大豆

三合

麥門冬

升一

右㕮咀以水一斗煮腎令熟去腎內諸藥煎取三升  
半分四服日三夜一十日更服一劑

丹溪縮胎丸 九箇月用之

黃芩

一兩宜熱藥不宜涼藥怯人減半

枳殼

炒七錢半

滑石

七錢半臨月十日前

小便多時加此一味

白朮

兩

右為末粥丸如桐子大每服三十九空心熱湯下

妊娠十月五臟俱備六腑齊通納天地氣於丹田故使關節人神皆備但俟時而生

妊娠一月始胚二月始膏三月始胞四月形體成五月能動六月筋骨立七月毛髮生八月臟腑具九月穀氣入胃十月諸神備日滿即產矣宜服滑胎藥八月即服滑胎枳殼散 瘦胎易生湖陽公主每產累日不下南

山道士進此方

商州枳殼

二粉草一兩



右為細末百沸湯點二錢服空心日三服凡懷孕七八箇月已上服之令兒易生初生胎小微黑百日已後漸漸變白此雖孫真人滑胎易產方然抑陽降氣為衆方之冠此方分兩出必用方以此為正 一方

枳殼六兩甘草一兩

故加枳殼減甘草蓋未產人甘草性寒故也未產前一月日可

三服忌登高廁

一方有糯米半升淘洗控乾同炒為末米

飲或白湯調下一二錢 溫隱居加當歸木香各等

分

張氏方 治妊娠胎肥壅隘動止艱辛臨月服之縮胎  
易產兼治腸中諸病下氣寬膈

枳殼

五兩

甘草

一兩半

香附子

三兩炒  
去毛

右為末薑煎湯點亦可如丈夫婦人冷氣攻刺脇肋  
疼痛者用葱白三寸同煎服 婦人脾寒血氣成塊

作痛熱酒調服 大小便不通白牽末煎湯調服

選奇方香附子枳殼

各二兩

甘草

半兩

內補丸 治妊娠衝任脉虛補血安胎

熟地黃

二當歸 微炒 一兩

右為細末煉蜜和丸如梧子大溫酒下三四十丸許  
學士云大率婦人妊娠唯在抑陽助陰素問云陰搏  
陽別謂之有子蓋關前為陽關後為陰尺中之脉按  
之搏手不絕者妊身也婦人平居陽氣微盛無害及  
其妊子則方閉經隧以養胎若陽氣盛搏之則經脉  
妄行胎乃不固素問所謂陰虛陽搏謂之崩也抑陽  
助陰之方甚多然胎前藥唯惡羣隊若陰陽交錯別

生他病唯是枳殼散所以抑陽四物湯所以助陰故  
爾然枳殼散差寒若單服之恐有胎寒腹痛之疾以  
內補丸佐之則陽不致強陰不致弱陰陽調停有益  
胎嗣此前人未嘗論及也

易產滑胎方 其藥性滑利小便

以車前子

末為

酒調服方寸匕不能飲者水調 詩云

采采芣苢能令婦人樂有子矣 陸機注云治婦人

產難故也

神寢丸 瘦胎滑利易產臨八月服之極有神効 知

蘄州施少卿方蘄州徐太丞傳

通明乳香

別研半兩

枳殼

一兩

右為細末煉蜜丸如梧子大空心溫酒吞下三十丸  
懷孕九月已後方可服 崔氏方名寢生丸乳香只  
二錢半酒糊丸

榆白皮散 治妊娠滑胎易生

榆白皮

甘草

各二兩

葵子

一兩

右為粗末每服二錢水一盞煎至七分去滓溫服一方無榆皮名葵子散

主孕九箇月將產消息

豬肚

一具全

如法用葱五味

煮熟食食如不盡更食以盡為度不得與別人食無効

保氣散

安胎寬氣進食瘦胎易產設或居處失宜偶

然頓仆胎動胎痛漏胎下血煎服佛手散

見胎產神大法

寢九枳殼散

並見上

此三方入月內大宜常服

香附子

四兩

山藥

二兩

縮砂仁

一兩

粉草

一兩

二錢半

益智仁

紫蘇葉

各半兩

木香

四錢

右為細末以白湯點服二錢

無憂散

治妊婦身居富貴口厭肥甘憂喜不常食物

不節既飽便卧致令胞胎肥厚根蒂堅牢行動艱難

因致臨產難生八月可服無憂散則易生矣

當歸

川芎

白芍藥

枳殼

乳香

各三錢

木香

甘草

血餘

即髮灰以豬心  
血和之各一錢半

右為末每服二錢水煎日進兩服

丹溪云世之難產者往往見於鬱悶安佚之人富貴養之家若貧賤辛苦者未有也古方書止有瘦胎飲一論而其方為湖陽公主作也實非極至之言何者見其用此方者其難自若予表妹苦于難產後遇胎孕則觸而去之予甚憫焉視其形惟勤於針指搆思旬日忽自悟曰此正與湖陽公主相反彼奉養之人其氣必實耗其氣使平和故易產今形肥知其氣虛久坐知其不運



必氣愈弱兒在胞胎因母氣不能自運耳當補其母之  
氣則兒健易產矣令其有孕至五六箇月來告遂於大  
全方紫蘇飲加補氣藥與數十貼因得男而甚快後遂  
以此方隨母形色性稟參時令加減與之無不應者因  
名其方曰達生散

縮胎飲

即達生散

大腹皮

三人參錢

陳皮

紫蘇莖葉

各五

分白芍

白朮

歸身尾

各一錢

甘草

二錢炙

黃楊樹

腦七錢或加枳殼

縮砂

青葱

五葉

右作一貼吞下益母丸臨月得二十服易生產後無  
病按丹溪云難產死胎此血氣滯病也蓋此方補  
中行滯春加川芎氣虛倍參朮氣實倍香附  
陳皮血虛加當歸地黃形實倍紫蘇性急加  
黃連熱急加黃芩濕痰加滑石半夏食積加  
山查食後易饑加黃楊腦腹痛加木香官桂黃  
芩冬不用芩

黑神丸

一名催生丸  
一名益母丸

用益母草研末粥丸治婦人臨

月一日三次服之用縮砂湯送下能催生易產產後服能生新血去舊血只以白湯送下虛者煎白朮人參陳皮湯送下

惡阻

痰逆不食

惡阻謂嘔吐惡心頭眩惡食擇食是也 千金凡婦人

虛羸血氣不足腎氣又弱或當風飲冷太過心下有痰水者欲有胎而喜病阻所謂欲有胎者其人月水尚來顏色肌膚如常但苦沉重憤悶不欲食飲又不知其患

所在脉理順時平和則是欲有娠也如此經二月日後便覺不通則結胎也但病者患心中憤憤頭重眼眩四肢沉重懈惰不欲執作惡聞食氣欲噉噉酸果實多卧少起世謂惡食其至三四月日已上皆大劇吐逆不能自勝舉也此由經血既閉水漬於臟臟氣不宣通故心煩憤悶氣逆而嘔吐也血脉不通經絡否塞則四肢沉重挾風則頭目眩也覺如此候者便宜服半夏茯苓湯數劑後將茯苓丸痰水消除便欲食也既得食力體強

氣壯力足養胎母便健矣 大全妊娠稟受怯弱便有  
阻病其狀顏色如故脉息和順但覺肢體沉重頭目昏  
眩擇食惡聞食氣好食鹹酸甚者或作寒熱心中憤悶  
嘔吐痰水恍忽不能支持巢氏謂之惡阻但證有輕重  
耳輕者不服藥亦不妨重者須以藥療之千金方以半  
夏茯苓湯茯苓丸專治阻病然此二藥比來少有服者  
以半夏有動胎之性蓋胎初結慮其易散此不可不謹  
也張仲景傷寒論有用黃龍湯者小柴胡湯中去半夏

是也此蓋為妊娠而設焉王子亨則有白朮散局方則人參丁香散揚振則有人參橘皮湯齊士明則有醒脾飲皆不用半夏服之多効 李茂翁云若左脉弱而嘔服諸藥不止者當服理血歸原藥則愈經云無陰則嘔是也 薛前證若中脘停痰用二陳湯加枳殼若飲食停滯用六君子加枳殼若脾胃虛弱用異功散若胃虛不足用人參橘皮湯兼氣惱加枳殼胸脇痞悶再加蘇梗脇痛再加柴胡若飲食少思用六君子加紫蘇枳殼

頭暈體倦用六君子湯若脾胃虛弱嘔吐不食用半夏  
茯苓湯蓋半夏乃健脾氣化痰滯之主藥也脾胃虛弱  
而嘔吐或痰涎壅滯飲食少思胎不安必用茯苓半夏  
湯倍加白朮然半夏白朮茯苓陳皮砂仁善能安胎氣  
健脾胃予嘗用之驗矣 痰逆不食證因食停滯用半  
夏茯苓湯加枳殼蘆薈氣惱更加柴胡因痰壅滯用半夏  
茯苓湯加白朮因風寒外傷用參蘇飲飲食腹脹用香  
砂六君子湯寒熱嘔吐人參養胃湯 一妊娠嘔吐惡

食體倦嗜卧此胃氣虛而惡阻也用人參橘皮湯二劑  
漸愈又用六君子加紫蘇二劑而安 一妊娠吞酸惡  
心時欲作嘔此因脾胃虛而飲食停滯用六君子加枳殼  
香附治之而愈 一妊婦停食腹滿嘔吐吞酸作瀉不  
食余以為飲食停滯兼肝木傷脾土用六君子湯以健  
脾胃加蒼朮厚朴以消飲食吳茱萸所製黃連以清肝  
火諸證悉愈又以六君子加砂仁調理而脾土乃安 一  
妊婦嘔吐脇脹或寒熱往來面色青黃此木旺而尅脾



土用六君子加柴胡桔梗枳殼而安 一妊婦嘔吐酸  
水胸滿不食此脾土虛而肝木所侮用六君子加芍藥  
而愈 一妊婦胸腹膨脹吐痰不食此脾胃虛而飲食  
為痰用半夏茯苓湯漸愈又用六君子加枳殼蘇梗桔  
梗而飲食如常後因恚怒脇脹不食吐痰惡心用半夏  
茯苓湯加柴胡山梔而愈 汪石山治一婦形質瘦小  
面色近紫產後年餘經水不通首夏忽病嘔吐手指麻  
痺拳不能伸展聲音啞小噦不出聲醫皆視為風病危

之汪診脉皆細微近滑曰此妊娠惡阻病也衆謂經水不通安有妊理汪曰天下之事有常有變此乃事之變也脉雖細微似近於滑又尺按不絕乃妊娠也遂以四君子加二陳治之諸證俱減尚畏粥湯惟食乾糕香燥之物而有生意 給事游讓溪夫人病新愈月餘經事不行嘔噦眩暈飲食艱進醫以為二陽之病發心脾女子不月法在不治江瓘診之尺脉雖小按之滑而不絕此妊而惡阻非凶候也六君加砂仁數服而安後產一

女 金匱婦人得平脉陰脉小弱其人渴不能食無寒  
熱名妊娠桂枝湯主之於法六十日當有此證設有醫  
治逆者却一月加吐下者則絕之 婁全善曰絕之者  
謂絕止醫治候其自安也予嘗治一二婦阻病吐愈治  
愈逆因思仲景絕之之旨遂停藥月餘自安真大哉聖  
賢之言也

萬全方云凡妊娠惡食者以所思食任意食之必愈  
仲景云妊娠嘔吐不止乾薑人參半夏丸主之

乾薑人參半夏丸

乾薑

人參

各一兩

半夏

湯洗去滑二兩

右三味末之以生薑汁糊為丸如梧子大飲服十九

日三服

半夏茯苓湯

治妊娠惡阻嘔吐心煩頭目眩暈惡聞

食氣好食酸鹹多卧少起百節煩疼羸瘦有痰胎孕

不牢

半夏

洗一兩二錢半

茯苓

熟地黄

各七錢半

橘紅

旋復

花

千金方無旋復  
有細辛紫蘇

人參

芍藥

川芎

桔梗

甘草各半兩

右呔咀每服五錢薑七片水煎空心服兼服茯苓丸  
若有客熱煩渴口瘡去橘紅細辛加前胡知母七  
錢半 若腹冷下痢去地黃加炒桂心半兩 若胃  
中虛熱大便秘小便赤澀加大黃七錢半去地黃加  
黃芩二錢五分

茯苓丸 治妊娠阻病心中煩悶吐痰眩暈先服半夏  
茯苓湯兩劑後服此藥

赤茯苓

人參

半夏

湯泡七次炒黃

桂心

乾薑

橘

皮

各一兩

白朮

葛根

甘草

枳殼

各二兩

右為細末煉蜜為丸如桐子大每服五十九米飲下

日三服

一方加麥門冬

肘後加五味子

療妊娠心胃支滿痰逆不思飲食

赤茯苓

前胡

白朮

紫蘇葉

各一兩

半夏

麥門冬

人參

大腹皮

各半兩

右為粗末每服四錢水一盞薑五片煎至七分去滓

溫服 一方無大腹皮人參有大腹子檳榔

療妊娠心膈氣滯嘔吐不下飲水心神虛煩四肢少力

枇杷葉 半夏 麥門冬 人參 甘草

兩半 訶子

肉 藿香

各一兩

赤茯苓

枳殼

陳皮

各七錢半

右㕮咀每服三錢水一盞薑三片棗一枚煎至七分

去滓溫服 一方無訶子及棗

集驗療婦人妊娠惡阻嘔吐不下食

青竹茹

橘皮

各三兩

生薑

茯苓

各四兩

半夏

五兩

右細切以水六升煮取二升半去滓分三服不差頻服忌羊肉錫鮓等物

旋復半夏湯 治妊娠惡阻吐逆酸水惡聞食氣多卧少起

旋復花

去枝葉

川芎

細辛

去土人參

甘草

炙各七分當

歸

去蘆

半夏

湯泡

赤茯苓

去皮

乾生薑

陳皮

去白

錢五分

右作一服水二鍾薑五片煎至一鍾不拘時服

旋復花湯 治妊娠六七箇月胎不安嘔吐



旋復花

分五

厚朴

白朮

枳殼

黃芩

茯苓

各一

錢五分

半夏

芍藥

生薑

錢各一

右作一服水二鍾煎至一鍾食前服

右諸方並用半夏蓋取其辛以散結氣瀉逆氣故嘔惡自止非專為痰設也婁全善曰大全方論半夏動胎而不用仲景方乃用之予治妊娠阻病累用半夏未嘗動胎也經云有故無殞是也

白朮散

治惡阻清水甚者害十餘日水漿不入

白朮一人參半丁香二錢半甘草一錢

右為細末每服二錢水一盞薑五片煎至七分溫服  
人參丁香散 治妊娠惡阻胃寒嘔逆翻胃吐食及心  
腹刺痛

人參 丁香 藿香葉各二錢半

右為散每服三錢水一盞煎七分去滓溫服無時

又方 人參 丁香 柿蒂各二兩甘草 良薑各半兩

右為細末每服二錢熱湯點下無時

醒脾飲子 治妊婦阻病嘔逆不食甚者中滿口中無

味或作寒熱

此出王氏博濟方

草豆蔻

以濕紙裹灰火中煨令紙乾取出去皮用

厚朴

薑製各半兩

乾薑

一兩

甘草

一兩二錢半

右為細末每服二大錢水一大盞棗二枚生薑三片煎至八分去滓呷服病輕者只一兩服便能食舊有橘紅二兩治寒熱瘧痢不食後人去橘皮以乾生薑代乾薑治老人氣虛大便秘少津液引飲有奇効產

科醫官齊士明依舊用乾薑去橘皮亦名醒脾飲子

治阻病極神驗

右諸方與前茯苓九並用丁香乾薑惟中寒脉遲者  
宜之

人參橘皮湯 治阻病嘔吐痰水

人參 橘皮 白朮 麥門冬 去心各一兩 甘草 二錢厚

朴製白茯苓 各五錢

右為粗末每四錢加淡竹茹彈子大薑三片水同煎

治妊婦嘔吐不食兼吐痰水

生蘆根

七分

橘紅

四分

生薑

六分

枇杷葉

三分

檳榔

二分

右切水二盞煎七分空心熱服

治妊娠惡食心中煩憤熱悶嘔吐

青竹茹

麥門冬

各三兩

前胡

二兩

橘皮

一兩

蘆根

一握

如體

熱四肢煩熱者  
加地骨皮一握

右切細以水一大升煮半升去滓分兩服食前

右諸方內用門冬竹茹蘆根皆氣涼而性和有熱無

寒者通用之平劑也

治妊娠惡食

古今錄驗方

人參

四兩

厚朴

生薑

枳殼

甘草

各二兩

水六升煎取三升分三服

歸原散

治妊娠惡阻嘔吐不止頭痛全不入食服諸

藥無効者用此藥理血歸原則愈

人參

甘草

川芎

當歸

芍藥

丁香

各半兩

白茯苓

白朮

陳皮

各一兩五錢

桔梗

炒

枳殼

去瓢炒各

二錢 半夏湯洗七次切  
半炒黃一兩

右呔咀每服三錢生薑五片棗一枚水同煎

安胎飲 治懷胎三月四月至九箇月日嘔吐痰水心中憤悶頭重目眩惡聞食氣或胎動不安腰腹疼痛或時下血及妊娠一切疾病皆治之

甘草 茯苓 當歸 熟地黄 川芎 白朮

黃芪 白芍藥 半夏湯泡七次切炒 阿膠蛤粉炒 地榆各等分

右呔咀每服三錢生薑四片水煎溫服無時一方

無半夏地榆有人參桑寄生 一方無芫朮半夏地榆有艾葉只是膠艾湯加白茯苓

小地黃丸 治妊娠惡心嘔吐清水腹痛不食

人參

去蘆乾薑炮製等分

右為細末以生地黃汁和為丸如桐子大每服五十丸食前米飲送下

右方並理血之劑李茂翁所謂左脉弱而嘔服諸藥不止者服理血歸原藥則愈即此類是也



保生湯

治婦人經候不行身無病而似病脉滑大而

六脉俱勻乃是孕婦之脉也精神如故惡聞食臭或  
但嗜一物或大吐或時吐清水此名惡阻切勿作寒  
病治之宜服此藥如覺惡心嘔吐加丁香生薑煎服

溫隱  
居方

人參

甘草

各二錢半

白朮

香附子

烏藥

橘紅

各半兩

右咬咀每服三大錢水一盞半薑五片煎至七分去

澤溫服無時或作末子調服

白朮散 治妊娠胎氣不和飲食少進

白朮

紫蘇

各一錢

人參

二錢

青皮

去白

訶子肉

川芎

各八錢

甘草

炙半錢

右作一服水二鍾薑三片煎至一鍾不拘時服

二香散 治妊娠胎動不安氣不升降飲食不美嘔吐

酸水起坐覺重

香附子

一兩

藿香葉

甘草

各三錢

右為細末每服二錢不拘時沸湯調下

補遺予嘗治妊婦惡阻嘔吐不食頭暈不敢行步以苦  
柚皮濃煎湯飲數盞而愈吐甚者加薑汁

又方 縮砂仁末每二錢薑湯調下或米飲調

右方並理氣之劑氣虛者首三方為宜氣不順者第  
三方為宜

婁一婦人孕三月吐痰水并飲食每日寅卯時作作時  
覺少腹有氣衝上然後膈滿而吐面赤微躁頭眩卧

不起牀四肢疼微渴此肝火挾衝脉之火衝上也一日甚一日輕脉和右寸洪大百藥不効將二月予偶用沉香磨水化抱龍丸一服膈寬氣不上衝二三服吐止眩減食進而安 又應氏婦嘈雜吐食脉壅心下滿塞氣攻背兩脇皆痛要人不住手以熱物摩熨得吐稍疎脉洪大因處此方 黃連錢一黃芩二錢半白朮半夏各

甘草炙縮砂各五分陳皮 當歸 山梔 枳殼

炒 香附 人參 蒼朮各一錢茯苓半生薑七片

服二貼後嘈雜吐止心滿塞退但於夜間背脇痛用摩熨遂與抱龍丸化服其疾如失

丹一婦人年近三十懷孕兩月病嘔吐頭眩自覺不可禁持以人參白朮川芎陳皮茯苓等藥服五七日愈覺沉重召予脉之兩手弦左為甚而且弱予曰此是惡阻病必怒氣所激問之果然肝氣既逆又挾胎氣參朮之補大非所宜教以時用茯苓湯下抑青丸二十四粒五貼自覺稍安診其脉畧有數狀然口乾苦稍食粥則口

酸予意其為膈間滯氣未盡行教全以川芎陳皮山梔  
茯苓生薑煎湯下抑青丸十五粒十餘貼餘證皆平但  
食及常時之半食後覺口酸不食覺易饑予謂肝熱未  
平則以白湯下抑青丸二十粒二十日而安予又脉之  
見其兩手脉雖和平而左手弱甚此胎必墮此時肝氣  
既平參朮可用矣遂用始初參朮等藥補之預防墮胎  
以後之虛服之一月胎自墮却得平穩無事抑青丸一  
味黃連為丸是也

胎動不安

大全妊娠胎動不安由衝任經虛受胎不實也亦有因飲酒房室過度損動不安者有悞擊觸而胎動者有喜怒氣宇不舒傷於心肝觸動血脉者有信醫宜服煖補反為藥所害者有因母病而胎動者但治母病其胎自安有胎不堅固動及母疾但當安胎其母自愈當以母形色察之若面赤舌青兒死母活面青舌赤口中沫出母死子活若唇口青兩邊沫出者子母俱死 薛前證胎氣鬱滯者用

紫蘇飲脾氣虛弱者六君子湯加蘇枳鬱結傷脾者歸脾湯加柴梔鬱怒傷肝脾者四七湯加芎歸怒動肝火者加味小柴胡湯若胎已死急用平胃散加朴硝腐化之

永固孕湯 地黃 川芎 黃芩 各五分 歸身尾 人參

白芍藥 陳皮 各一錢半 白朮 一錢半 甘草 三錢 黃蘗 少許

上羊食藤 圓者七葉 糯米 十四粒

右咬咀水煎服

金匱婦人妊娠宜常服當歸散主之



當歸散方

當歸

黃芩

芍藥

芫花

各四兩

白朮

半斤

右五味杵為散酒飲服方寸匕日再服妊娠常服即易產胎無苦疾產後百病悉主之

妊娠養胎白朮散主之

白朮散方

白朮

芫花

各一兩

蜀椒

七錢半去汗

牡蠣

半兩

右四味杵為散酒服一錢匕日三夜一服但苦痛加芍藥心下毒痛倍加芫花心煩痛吐不能飲食加細辛一兩半夏大者二十枚服之後更以醋漿水服之

若嘔以醋漿水服之復不解者小麥汁飲之已後渴者大麥粥服之病雖愈服之勿置

集驗方療妊娠二三月上至八九月胎動不安腹痛已有所見方

艾葉

阿膠

當歸

川芎

各三兩

甘草

一兩

右細切以水八升煮取三升去滓內膠令烊分三服日三千金文仲備急同

四物湯加熟阿膠茯苓治一切胎動不安

安胎當歸湯 治妊娠五月舉動驚愕胎動不安下在

小腹痛引腰脇小便疼下血

見前逐月養胎

阿膠散 治妊娠或因頓仆胎動不安腰痛腹滿或有

所下或胎上搶心

熟地黄

二兩

白芍藥

艾葉

當

歸 甘草 阿膠

黃芪

各一兩

一方有川芎

右㕮咀每服半兩薑三片棗一枚同水煎

又方 治妊娠胎動不安心神虛煩腹內痛

阿膠

杵碎炒黃燥

人參

川芎

已上一兩

白茯苓

麥門

冬心柴胡

去苗已上  
各七錢半

甘草

炙當歸

剉炒黃芩各半

右件為末每服四錢以水一中盞生薑半分棗三枚

同煎六分去滓熱服

立効散 治婦人胎動不安如重物所墜冷如冰

川芎

當歸

各等分

右為粗末秤三錢水煎食前溫服

產寶治妊娠無故胎動不安腹內絞痛煩悶

當歸

桑寄生

各一兩

川芎

七錢半

豉

八合

阿膠

五錢

蔥

右以水二升煮取八合下膠烱溫分二服空心服  
一方無豉用銀器煎集驗無寄生豉有續斷七錢半  
銀多少先煎後入藥

養生必用治胎動方 救急療胎動去血腰腹痛

阿膠 川芎 當歸 青竹茹

各二錢

右以水十盞內銀一斤煮至五盞去銀入上件藥三  
味煮至二盞半去滓入膠再煎膠烱溫分三服空心  
自早至暮盡未効再作

寄生湯 治胎氣常不安及五箇月已後胎不安

桑寄生

洗剉

秦艽

阿膠

各半兩

糯米粉

半兩

右以新汲水三升先下寄生秦艽二味煮至二升去滓次入阿膠糯米再煮約一升止分三服空心食前日午服之忌酒醋三五日妊婦胎氣至五月已後常不安者服之必効頃見妊婦好飲酒食鹹酸五辛胎必動不可不知

黃耆湯

治胎動不安腹痛下黃汁

糯米一合 黃耆 川芎各一兩

右細剉水二大盞煎至一盞三分溫服

順氣飲子 產前服之安胎

紫蘇葉 木香炮 人參 草豆蔻 茯苓各一兩 甘

草半兩 大腹子一兩如氣弱者不用

右咬咀每服三錢水一盞苧根三寸糯米少許煎至

七分去滓溫服

安胎寄生湯文仲 療血流下方

桑寄生

白朮

各一兩  
二錢半

茯苓

一兩  
甘草二兩半

右切以水五升煮取二升半分三服若人壯者可加芍藥二兩足水二升若胎不安腹痛端然有所見加

乾薑一兩即安忌海藻菰菜酢物桃李雀肉等

秦朮湯

指迷

治胎動不安

秦朮

阿膠

炒

艾葉

右等分為粗末每服五錢水二盞糯米百粒煎至一

盞去滓溫服

小品止痛湯

療妊娠重下痛引腰背安胎



當歸 阿膠炙 乾地黄 黃連 芍藥各一兩 雞子

一枚 秫米一升

右七味以水七升攪雞子令相得煮秫米令如蟹目沸去滓內諸藥煮取三升分四服忌蕪荑經心錄同

黃芩湯 治婦人胎孕不安

黃芩

白朮

各半兩

當歸

二錢

右作一服水二鍾煎至一鍾不拘時服

釣藤湯 治妊娠八九月胎動不安心腹疼痛面目青

冷汗出氣欲絕此由勞動用力傷胎宮宜急治之

釣藤鈎

當歸

茯神

人參

各一兩

苦梗

一兩半

桑寄生

半兩

右為粗末每服五大錢水二盞煎至一盞去滓溫服  
無時候忌豬肉松菜若煩熱加石膏二兩半臨產月  
加桂心一兩

刪繁療婦人懷妊胎動不安蔥豉安胎方

香豉

一升

蔥白

一斤

阿膠

二兩

右先以水三升煮蔥豉取一升去滓入膠再煎令烊  
服一日一夜可服三四次盡劑經心錄同

始妊娠胎動不安護胎法

鯉魚

二斤  
粳米一升  
蔥一握

薑

右作藿食之每月一度

安胎鐵罩散

白藥子

一兩  
白芷半兩

右為細末每服二錢煎紫蘇湯調下或胎熱心煩悶  
入砂糖少許煎

銀芎酒 治妊娠胎動欲墮腹痛不可忍方

芎根

二兩

銀

五兩

清酒

一盞

右以水二大盞煎至一大盞去滓分溫二服

治胎動不安 用好銀煮取水著蔥油作羹食之佳

又方 川芎

二兩

蔥白

一升

右以水七升煮取二升半分三溫服

療妊娠後不轉動方

阿膠

炙一兩

桑寄生

半兩

右為末以酒一升煮五沸下生雞卵一枚於酒中分

二溫服空心食前 小品方無寄生有艾葉只用水

煎

肘後治胎動不安取苧根如足大指者一尺咬咀以水  
五升煮取三升去滓服 一方有生薑五片丹溪云  
苧根大能補陰血行滯血

縮砂散

治胎動不安墮在須臾者神效

方見毒物傷胎

又

方 川芎

二兩 蔥白 五兩

水三碗煮二碗半分三服

治妊娠因失所動因絕方取竹瀝飲一升立愈

鯉魚臠方

治妊娠胎動不安心腹刺痛

鯉魚

一斤修事  
淨細切

阿膠

一兩杵碎  
炒黃燥

糯米

二合

右件以水二升入魚膠米煮令熟入蔥白生薑橘皮  
鹽少許更煮五七沸食前喫如有所傷且喫五七日  
効

治妊娠胎動煩悶不安甚方

取生地黃杵絞汁每服

一小盞煎令沸入雞子白一枚攪令勻頓服

治妊娠胎動晝夜叫呼口噤唇塞及下重痢不息方

艾葉

五兩

右以好酒五升同煮取四升去滓更煎取一升服口  
閉者開口灌之藥下即瘥

胎上逼心

即子懸

薛胎上逼心之證若氣逆胎上用紫蘇飲飲食不甘  
以四君子若內熱晡熱兼以逍遙散若胃火所致用四  
君黃芩枳殼柴梔若脾鬱所致用歸脾湯加柴梔枳殼  
一妊婦每因恚怒其胎上逼左關脉弦洪乃肝火內

動用小柴胡加茯苓枳殼山梔而愈但體倦不食用六君子調養脾土加柴胡枳殼調和肝氣乃瘥 一妊婦胎上逼胸滿噯氣飲食少思此脾氣鬱滯用紫蘇飲頓安又用四君子加枳殼柴胡山梔而瘥 程文彬治孕婦七箇月胸膈飽悶氣喘忽吐出一物如小腸寸許舉家驚疑其胎爛程至診得寸口脉洪滑知其氣盛血少胎氣湊上中焦畜有濕熱濕生痰知所吐之物乃痰結聚病名子懸以紫蘇飲加苓連貝母十劑獲痊



本事方紫蘇飲 治妊娠胎氣不和懷胎近上脹滿疼

痛謂之子懸兼治臨產驚恐氣結連日不下 一方

無川芎名七寶散

紫蘇莖葉一兩大腹皮 人參 川芎 陳皮 白

芍藥各半兩當歸七錢半甘草二錢半

右細剉分作三服每服用水一盞半生薑四片蔥白  
七寸煎至七分去查空心服

曾有一婦累日產不下服遍催生藥不驗予曰此必

坐草太早心懷一點懼氣結而不行然非不順也  
素問云恐則氣下蓋恐則精神怯怯則上焦閉閉則  
氣還還則下焦脹氣乃不行矣得此藥一服便產及  
婦人六七月子懸者予用此數數有驗不十服胎便  
近下 陳良甫治一婦有孕七箇月遠歸忽然胎上衝  
心而痛坐卧不安兩醫治之無效遂說胎已死矣用  
華麻子研爛加麝香調貼臍中以下之命在垂亡召  
陳診視兩尺脉絕他脉平和陳問二醫作何證治之

荅曰死胎也陳曰何以知之曰兩尺脉沉絕以此知之陳曰此說出何經二醫無荅陳曰此子懸也若是胎死却有辨處面赤舌青子死母活面青舌赤吐沫母死子活唇口俱青母子俱死今面不赤口不青其子未死是胎上逼心宜以紫蘇飲子治之至十服而胎近下矣

當歸湯 治妊娠胎動盪心悶絕煩躁口乾橫生倒產上衝下築迷悶唇口青黑手足厥冷產科名保安散

一方無甘草有川芎厚朴 產寶方有川芎 當

歸 阿膠 炒甘草

各一人

參

各一兩半

連根蔥白

一握

右細剉水二升煎四味至升半去滓下蔥再煎減三合溫服一劑分為二三服

大聖散 治妊娠忪悸睡夢多驚心腹脹滿連臍急痛

胎上逼

見驚悸

治胎上逼心煩悶方又治妊娠六七月以後胎動困篤宜用蔥白二七莖濃煮汁飲之若胎未死即安已死即

出未効再服 婁全善云此方神妙脉浮滑者宜之本

草云蔥白通陽氣安胎 秘錄治胎動上逼心痛取艾

葉如雞子大以頭醋四升煮取二升分溫服 又治

胎上逼心熱痛下血神麴半斤搗碎和熟水絞取汁三

鍾無時溫服止

治妊娠遍身痛或衝心欲死不能飲食

白朮

五兩

黃芩

二兩

芍藥

四兩

右水六升煮取二升半分作三服緣胎有水致痛煎

易產

文仲葛氏療妊娠卒胎上逼心痛方 取弩弦急帶之


立愈

膠艾湯

見血崩

保生丸

大法



證治準繩卷六十五

欽定四庫全書

子部

證治準繩卷六十六

詳校官太醫院恩糧臣孔毓秀

編修臣倉聖脈覆勘

總校官進士

臣

朱 鈐

校對官學正

臣

翁樹棠

膳錄監生

臣

羅善慶

欽定四庫全書

證治準繩卷六十六

女科

胎前門

妊娠經來漏胎下血

脉經婦人經月下但為微少師脉之反言有軀其後審然其脉何類何以別之師曰寸口脉陰陽俱平榮衛調

明 王肯堂 撰



和按之脉滑浮之則輕陽明少陰各如經法身反灑淅不欲食飲頭痛心亂嘔噦欲吐呼則微數吸則不驚陽氣多溢陰滑氣盛滑則多實六經養成所以月見陰見陽精汁凝胞散散者損墮設復陽盛雙妊二胎今陽不足故令激經也

滑脉主血有餘今經又少故知孕也

大抵妊娠經來不

多而飲食精神如故六脉和緩滑大無病者血盛有餘也兒大能飲自不來矣

大全夫妊娠漏胎者謂妊娠數月而經水時下也此由

衝任脉虛不能約制手太陽少陰之經血故也衝任之脉為經絡之海起於胞內手太陽小腸脉也手少陰心脉也是二經為表裏上為乳汁下為月水有娠之人經水所以斷者壅之養胎蓄之為乳汁也衝任氣虛則胞內泄不能制其經血故月水時下亦名胞漏血盡則人斃矣又有因勞役喜怒哀樂不節飲食生冷觸冒風寒遂至胎動若母有宿疾子藏為風冷所乘氣血失度使胎不安故令下血也 曾有娠婦月信不絕而胎不

損問產科熊宗古荅曰婦人血盛氣衰其人必肥既娠之後月信當來而胎不動若據晚近觀之便以為漏胎若作漏胎治之則胎必墮若不作漏胎治則其胎未必墮今推宗古之言誠有旨也故巢氏云婦人經閉不利別無所苦者是謂有子以其經血蓄之以養胎擁之為乳汁也有子之後畜以養胎矣豈可復能散動耶所以然者有妊而月信每至是亦未必因血盛也若謂婦人滯經有風則經血喜動以其風勝則可也既滯經為風

所勝則所來者非養胎之血以此辨之若作漏胎治之必服保養補胎之藥且胎不損強以藥滋之乃所謂實實虛虛也其胎終墮宜矣若醫者知榮經有風之理專以一藥治風經信可止或不服藥胎亦無恙然而有胎本不固而因房室不節先漏而後墮者須作漏胎治之此又不可不審也 丹胎漏因氣虛因血虛因血熱

薛前證若因風熱用防風黃芩丸若因血熱用加味道遙散若因血虛用二黃散若因血去太多用八珍湯未

應補中益氣湯若因肝火用柴胡山梔散若因脾火用  
加味歸脾湯若因事下血作痛用八珍湯加阿膠熟艾  
若因脾胃虛弱用補中益氣湯加五味子若因脾胃虛  
陷用前湯倍用升麻柴胡若肺熱內熱宜逍遙散 妊  
娠卒然下血若因怒氣用小柴胡湯若因風熱用一味  
防風丸若因血熱用一味子芩丸若因脾氣虛弱用六君  
子湯若因中氣下陷用補中益氣若氣血盛而下血者  
乃因兒小飲少也不必服藥 一妊婦下血服涼血之

藥下血益甚食少體倦此脾氣虛而不能攝血余用補中益氣湯而愈後因怒而寒熱其血仍下此肝火旺而血沸騰用加味道遙散血止用補中益氣湯而安一妊婦下血發熱作渴食少體倦屬脾氣虛而肝火所侮用四君子加柴胡山梔血止因怒復作用六君加柴胡山梔升麻而安一妊娠六月每怒下血甚至寒熱頭痛脇脹腹痛作嘔少食余謂寒熱頭痛乃肝火上衝脇脹腹痛乃肝氣不行作嘔少食乃肝侮脾胃小便下血乃

肝火血熱用小柴胡加芍藥炒黑山梔茯苓白朮而愈  
一妊婦六月體倦食少勞役下血用六君加當歸熟  
地黃柴胡升麻而愈 江應宿治王祠部安人孕三月  
腰腹遮痛漏下不止氣湧脹悶速江診視六脉弦數平  
昔脉極沉細此必怒動肝火挾相火而生內熱喜脉不  
滑未至離經猶可保也以條芩白朮枳殼香附茯苓阿膠  
白芍當歸陳皮煎調鹿角燉酒淬細末一錢更進抑青  
丸一服痛已數劑平復仲景云婦人有漏下者有半產

後因續下血都不絕者有妊娠下血者假令妊娠腹中

痛為胞阻芩歸膠艾湯主之

方見血崩

大全方治妊娠三四月腹痛時時下血

續斷

二兩

艾葉

當歸

乾地黄

各六兩

竹茹

阿膠

雞蘇

各一兩

水一升煎取六合空心日再服

廣濟安胎胎病漏血腹痛

當歸

川芎

阿膠

炙

人參

各一兩

大棗

二十箇



右切以水三升酒四升煮二升半分三服五日一劑  
頻服三四劑無妨

濟生如聖湯 治胎動腹痛或為漏胎

鯉魚皮 當歸酒浸熟地黃酒蒸白芍藥 阿膠蛤粉炒

川芎 續斷酒浸甘草炙各等分 一方有乾薑竹茹

右咬咀每服四錢水一盞芎根少許薑五片煎溫服  
濟生有續斷無乾薑竹茹

桑寄生散 治胎漏經血妄行淋瀝不已

桑寄生

當歸

去蘆酒浸

川續斷

酒浸

阿膠

蛤粉炒

香附子

炒去毛

茯神

去木

白朮

各一錢

人參

甘草

炙各半錢

右作一服水二鍾生薑五片煎至一鍾不拘時服

鄭氏人參散

治漏胎敗血湊心日漸胎乾子母危困

人參

黃芪

炙

阿膠

炒各五錢

竹茹

木香

炙甘草

附子

炮各半錢

川芎

陳皮

苧根

各二錢半

生薑

三錢炮黑

右㕮咀每四錢糯米三七粒水煎熟服忌生冷雞鴨魚麵

梅師治胎動下血心腹疼死生不知服此湯活即安死

即下即催生佛手散

方見胎產大法即川芎當歸等分為散也

妊娠無故

卒下血不止取阿膠三兩炙搗末酒一升半煎令消一

服愈

羅氏立聖散 治妊娠下血不止

右雞肝三箇用酒一升煮熟共食之大効

二黃散 治胎漏 生地黃 熟地黃

等分剉

水三盞煎半乾去滓服

治胎漏下血 阿膠

二兩

搗末生地黃

半斤

搗取汁以清酒

三升絞汁分三服

治胎漏下血不止胎乾即死宜急治之

生地黄汁

一升一陳酒五合

右同煎三五沸溫分三服以止為度

地黄湯 治經血妄行及鼻衄不止

生地黄

酒搗取汁半兩

薄荷

三錢

甘草

一錢

右二味為末新汲水合地黄汁調食後服

續易簡治漏血

用野苧根

二兩剉炒家種亦可

金銀

各一兩許

右為一劑酒水平煎耗半溫服若閃攔胎動欲漏砂  
仁皮炒乾研為末二錢酒鹽湯任下

保命枳殼湯 治婦人胎漏下血及因事下血

枳殼 黃芩 各半兩 白朮 一兩

右為粗末每服七錢水一盞煎七分食前服

子芩丸 治肝經有熱妄行下血細條黃芩炒為末每  
服一錢以秤錘燒赤淬酒熱調服若脾胃虛不宜用  
防風丸 治肝經有風以致血得風而流散不歸經用

防風為末每服一錢白湯調服

防風黃芩丸

治肝經有風熱致血崩便血尿血用條

芩炒焦防風等分為末酒糊丸桐子大每服三五十丸食遠或食前米飲或溫酒送下

仲景云婦人宿有癥病經斷未及三月而得漏下不止胎動在臍上者為癥瘕害 妊娠六月動者前三月

經水利時胎下血者後斷三月不血也所以血不止者其癥不去故也當下其癥桂枝茯苓丸主之

桂枝茯苓丸

桂枝

茯苓

牡丹

去心桃仁

去皮炙

芍藥

各等分

右五味末之煉蜜和丸如兔屎大每日食前服一九不知加至三九

治胎下血不止取桃樹上乾不落桃子燒灰和水服瘥

本草云桃奴破血又治伏梁積氣

榆白皮散 治妊娠胎漏去血恐其難產常宜服之

榆白皮

葵根

瞿麥

各二錢

大麻仁

去殼

木通

各一錢

牛膝

去蘆酒浸  
焙一錢半

右作一服水二鍾煎至一鍾不拘時服

胎漏黃汁下或如豆汁

薛前證肝脾濕熱用升陽除濕湯

血崩

肝脾風熱用加

味道遙散肝脾鬱怒用加味歸脾湯脾胃氣虛用錢氏

白朮散若脾氣下陷用補中益氣湯肝經風熱用防風

黃芩丸風入腸胃用胃風湯 一妊婦因怒胸膈不利

飲食少思服消導順氣之劑脾胃愈弱飲食愈少大便



不實且無度久而便黃水或帶白視其面色黃中隱白  
余曰黃色脾虛也白色肺虛也朝以補中益氣湯升補  
胃氣夕以六君子培補脾氣而愈

大全方治妊娠忽然下黃汁如膠或如豆汁胎動腹痛

粳米

五合黃芪六兩

右以水七升煎取二升分為四服

銀苧酒

見前胎動不安

又方用生艾汁二盞阿膠白蜜

各一兩

煎至七分溫服如無生艾煎乾艾濃汁亦可 一方

加竹茹 一方用酒不用蜜

脉經云婦人懷軀六月七月暴下斗餘水其胎必倚而墮此非時孤漿預下故也胎漏徐徐下水今暴下而多故知墮胎也

跌撲傷胎毒藥傷胎

大妊娠驚胎者乃懷妊將滿胎神已具墜仆傷胎甚至下血不醒若欲驗其子母安否當參第四論治之 薛愚按前證若因怒跌撲或手足抽搐用釣藤湯見前若因

氣滯用紫蘇飲

見胎上逼心

若因脾胃氣虛用六君子加蘇

梗若鬱結傷脾用歸脾湯若鬱怒傷肝脾用四七湯

雜病

氣

加芎歸若去血過多用佛手散如不應膠艾湯氣

血虛八珍湯加膠艾

催生神妙佛手散

治婦人妊娠五七月因事築磕着

胎或子死腹中惡露下疼痛不已口噤欲絕用此藥

探之若不損則痛止子母俱安若胎損立便逐下本

出徐文仲神驗胎動方云治血上衝心腹滿悶者如

湯沃雪又治產前產後體熱敗血腹痛又名芎藭湯

當歸

六兩  
四兩  
張氏方等分

右為粗末每服三錢水一大盞煎令泣泣欲乾投酒

一大盞止煎一沸去滓溫服口噤灌之如人行五里

再服不過三五服便生一方云此藥治傷胎去血多

崩中去血多金瘡去血多拔牙去血多昏暈欲倒者

以水煎服或先以漏血腹內疼痛加芍藥官桂減半

隨手効

餘詳胎產大法

治妊娠忽因倒地或擎重作勞促損腹中疼痛腫重及  
子死腹中不出三服立下 川芎一兩 為細末以熟  
酒調服方寸匕日三四服

按川芎上竄散氣有服之暴亡者若診其脉舉之有  
按之無者忌服

治妊娠從高墜下腹痛下血煩悶

生地黃 益母草各一兩 當歸 黃芪各半兩

右㕮咀每服四錢水一盞薑四片煎至六分去滓無

時候服

集驗療妊娠二三月上至七八月頓仆失跌胎動不安  
傷損腰腹痛欲死若有所見及胎奔上搶心短氣下  
血不止方

乾地黄

當歸

艾葉

各二兩

阿膠

川芎

各三兩

右以水七升煮取二升半分作三服腹痛甚加杜仲

五加皮

各三兩

一方無地黄有甘草

一方無地黄

却用生薑自然汁一匙地黄汁半合馬通半合煎成

藥去滓入此再煎三沸溫服 一方有人參白茯苓  
水煎

丹婦人因閃挫傷胎肚疼血崩

歸尾 陳皮 白朮 人參 茯苓 白芍藥

川芎 各三錢 甘草 炙五分

右咬咀分四貼水三盞煎取一盞下縮砂末一錢五  
分炒黑五靈脂一錢

竹茹酒 治妊娠誤有失墜損血胎損疼痛

青竹茹

二合好酒升一

右煮三五沸分作三服即安

秦朮湯

療妊娠或因僵仆胎動不安臍腹疼痛

方見胎動不安

治妊娠偶有所傷胎動不安疼痛不可忍兼治崩血又

兼治子冒又名子癰

縮砂

不拘多少

和皮炒令黑色一

方用仁熨斗內略炒為細末熱酒調下二錢不飲酒者以米飲調下皆可覺腹中熱則胎已安矣此方神效予常用之有驗

補遺安胎散

治卒然腰痛下血不已



熟地黃 艾葉 白芍藥 川芎 黃芪 阿膠

炒當歸

甘草

地榆 各等分

右咬咀每四錢薑五片棗一枚煎溫服

薛若因毒藥用甘草黑豆淡竹葉若因頓仆用阿膠散  
未應煎送知母丸若因頓仆下血腹痛用佛手散未應  
用八珍送知母丸血出過多用八珍湯斤許益母草四  
兩水煎徐徐與服若胎死以朴硝或平胃散下之

捷徑方 治用毒藥攻胎藥毒衝心外證牙關緊急口

不能言兩手強直握拳頭低自汗身微熱外證與中風相似但其脉浮而軟十死一生醫多不識若作中風治之必死無疑用白扁豆二兩生去皮為末新汲水調下即効

阿膠散 治妊娠不問月數深淺或因頓仆或因毒藥胎動不安腰痛腹滿或有所下或胎上搶心短氣乏力方見前胎動不安

妊娠誤服諸藥毒致胎動不安治之方

甘草

黑豆

淡竹葉

等分

濃煎汁飲之

奪命丸

治婦人小產下血至多子死腹中其人憎寒手

指唇口爪甲青白面色黃黑胎上搶心則悶絕欲死

冷汗自出喘滿不食或食毒物或誤服草藥傷動胎

氣下血不止胎尚未損服之可安已死服之可下若

胎腐爛腹中危甚者立可取出此方的係異人傳授

至妙

此即仲景茯苓桂枝丸但用淡醋湯嚼下不同耳方即壯丹皮茯苓桂枝桃仁赤芍藥等分是

也丹溪

亦稱妙

心痛

大妊娠心痛乃風邪痰飲交結若傷心正經為真心痛  
朝發夕死夕發旦死若傷心支絡則乍安乍作若傷於  
子藏則胎動而血下 薛前證若飲食所傷用平胃散  
加枳殼山查若因錯雜諸邪當審其因而治之 一妊  
婦心痛煩熱作渴用白朮散即愈後因停食其痛仍作  
胸腹膨滿按之則痛此因飲食停滯用人參養胃湯按  
之不痛乃脾胃受傷以六君子補之而愈 一妊婦心

腹作痛胸脇作脹吞酸不食此肝脾氣滯用二陳山查  
山梔青皮木香而愈又因怒仍痛胎動不食面色青黃  
肝脉弦緊脾脉弦長此肝木乘土用六君子湯加升麻  
柴胡木香而愈

火龍散 治妊娠心氣疼

川棟子

茴香

炒各三錢

艾葉

鹽炒末一錢半

右作一服水二鍾煎至一鍾不拘時服

產寶治妊娠卒心痛氣欲絕方

川芎 當歸 茯苓 厚朴

製各一分

右水六升煎取二升分二服

白朮湯

治妊娠卒心痛欲死不可忍者

出古今錄驗

白朮

三兩

赤芍藥

二兩

黃芩

一兩半

右切以水六升煮取二升半分三服半日令盡微下水令易生忌桃李雀肉等

千金療妊娠心痛

青竹茹

一升

羊脂八兩

白蜜

三兩

右三味合煎每服棗核大三枚食前頓服日三服

又方 青竹茹一升酒二升煮取一升半去滓分溫頓

服 又方 破雞子一枚酒調服之 又方 大麻

子三升研水八升煮取五升分五服 又方 橘皮

三兩豆豉

五兩

為細末煉蜜為丸如桐子大溫水下二

七丸無時候

四方並出外臺秘要

補遺沉香降氣湯 茯苓補心湯 四七湯 紫蘇飲

皆可用 雷公炮炙論云心痛欲死急覓延胡

心腹痛

大夫妊娠心腹痛者或因宿有冷疼或新觸風寒皆由  
臟虛而致發動也邪正相擊而并於氣隨氣上下上衝  
於心則心痛下攻於腹則腹痛故令心腹痛也妊娠而  
痛者邪正二氣交攻於內若不時差者其痛衝擊胞絡  
必致動胎甚則傷墮也又云妊娠心腹疼痛多是風寒  
溫冷痰飲與臟氣相擊故令腹痛攻傷不已則致胎動  
也 薛前證若風寒痰飲用金沸草散

方見雜  
病咳嗽

胎氣鬱

結加香附川芎若飲食停滯用六君加紫蘇枳殼若怒



動肝火前藥更加柴胡山梔若鬱結傷脾用歸脾湯

方見

雜病健忘加枳殼山梔 一妊婦心腹作痛吐痰惡心胎氣

上攻飲食少思此脾虛氣滯而為痰用六君子加柴胡枳殼諸證漸退飲食漸進又用四君子加枳殼山梔桔梗而安後因怒兩脇氣脹中脘作痛惡寒嘔吐用六君加柴胡升麻木香一劑而愈

當歸芍藥散 治妊娠腹中絞痛心下急痛及療產後

血暈目虛氣之崩中久痢常服通暢血脉不生癰瘡

消痰養腎明目益津

白芍藥

半斤

當歸

茯苓

白朮

各四兩

澤瀉

川芎

各二兩一方  
芎只兩半

右為細末每服二錢食前溫酒調服 元和紀用經

名為六氣經緯丸云能祛風補勞養真陽退邪熱緩  
中安和神志潤澤容色散寒邪溫瘴時氣安期先生  
賜李少君久餌之藥後仲景增減為婦人懷妊腹痛  
方本方用芍藥四兩澤瀉茯苓川芎各一兩當歸白

木各二兩亦可以蜜丸服

出三因方

阿膠散 治妊娠胎動腹中疴痛不思飲食

甘草

二錢半

白茯苓

白朮

川芎

阿膠

各七錢半炒

當歸

炒

陳皮

各一兩

右咬咀每服三錢水一盞薑三片棗一枚煎至七分服

療妊娠患腹痛并胎動不安

蔥白

切一人升

人參

厚朴

阿膠

川芎

各二兩

當歸

三兩

右呖咀以水七升煎取三升分三服 一方有甘草  
無厚朴川芎

療妊娠先患冷氣忽中心腹痛如刀用芎歸湯

川芎 人參 茯苓 吳茱萸 苦梗 當歸

各三

兩厚朴製芎藥

各二兩

右呖咀以水九升煎取三升分三服氣下即安

草豆蔻散 治妊娠心腹常痛喫食減少四肢不和全  
不入食

草果仁

想是草豆蔻

陳橘皮

乾地黄

白朮

各一兩

川芎

七錢半

當歸

炒桂心

乾薑

木香

各半兩

右為細末每服四錢水一盞棗二枚煎六分熱服

古今錄驗療妊娠腹內冷痛忽胎動

薤白

一升當歸

切四兩

右以水五升煮取二升作三服亦將小便服將去一炊頃去

千金療妊娠腹中痛方

生地黄

二斤

取汁酒一升合煎

減半頓服愈

治妊娠胎動欲落腹中痛不可忍 上等銀一斤茅根二斤

去黑皮

以水九升煮銀取五升入清酒一升同煎茅

根取三升分三服立安

治妊娠四五月忽心腹絞痛 大紅棗十四枚燒存性

為末童子小便調下

治妊娠心腹痛不可忍方 鹽一斤燒令赤以兩指取

一撮酒調服

香茂散 治妊娠五箇月以後常胸腹間氣刺滿痛或  
腸鳴以致嘔逆減食此由喜怒憂慮過度飲食失節  
之所致也 蔡元度寵人有子夫人怒欲逐之遂病  
醫官王師復處此方三服而愈

廣中莪茂

炒一兩

丁香

半兩

粉草

二錢半

右為細末空心鹽湯點服一大錢覺胸中如物按下  
之狀愈

補遺手拈散 四七湯加歸芍 四磨湯 小烏沉湯

安胎飲除地榆 已上諸方皆可選用

腹痛

仲婦人懷胎腹中諸疾痛當歸芍藥散主之

見前心痛

潔地黃當歸湯 治婦人有孕胎痛

當歸

一熟地黃二兩

右為末作一服水三升煎至一升半去滓頓服

仲婦人腹中痛小建中湯主之

方見傷寒腹痛

雲芎歸湯

治妊娠先患冷氣忽心腹痛如刀刺

見心痛



丹孫院君因近喪冒惡氣傷胎肚痛手不可近發熱口中不思食須安胎散滯氣

青皮

三錢

黃芩

芍藥

各二錢

歸尾

半錢

川芎

一錢

木香

五分

甘草

炙少許

分二貼水三盞先煮芎根兩大片至二盞去芎根入前藥同煎至一盞熱服

治妊娠腹痛用生地黃三斤搗取汁酒一升合煎減半頓服愈

脉師曰婦人有胎腹痛其人不安若胎病不動欲知生死令人摸之如覆杯者則男如肘頸參差起者女也冷在何面冷者為死溫者為生

### 小腹痛

大妊娠小腹痛者由胞絡虛風寒相搏痛甚亦令胎動也薛前證若風寒所搏用紫蘇飲加生薑氣血虛用八珍湯脾氣虛用六君子湯中氣虛用補中益氣湯若腹脹痛用安胎飲加升麻白朮不應兼補中益氣湯

一妊婦小腹作痛其胎不安氣攻左右或時逆上小便  
不利用小柴胡湯加青皮山梔清肝火而愈後因怒小  
腹脹滿小便不利水道重墜胎仍不安此亦肝木熾盛  
所致用龍膽瀉肝湯一劑諸證頓愈乃以四君子加柴  
胡升麻以培脾土而安

療妊娠被驚腦胎向下不安小腹痛連腰下血

當歸

川芎

各八分

阿膠

人參

艾葉

各四分

大棗

二十箇

茯苓

十分

右細切以水四升煮取二升溫分三服

補遺 治妊娠小腹痛胎動不安 川芎為細末酒調

下 又方 川芎 當歸 各等分 水煎溫服

腰腹及背痛

大腎主腰足因勞傷損動其經虛則風冷乘之則腰痛  
冷氣乘虛入腹則腹痛故令腰腹相引而痛其痛不止  
多動胎氣婦人腎以繫胞妊娠而腰痛甚者則胎墮也  
薛前證若小邪所傷用獨活寄生湯 見離病 勞傷元

氣用八珍杜仲砂仁膠艾脾腎不足以前藥加白朮補

骨脂氣血鬱滯用紫蘇飲加桔梗枳殼肝火所動用小

柴胡湯

見傷寒少陽病

加白朮枳殼山梔肝脾鬱結用歸脾湯

見雜病健忘

加柴胡枳殼一妊婦頸項強直腰背作痛此

膀胱經風邪所致用拔萃羌活湯

見雜病腰痛

一劑而愈又

用獨活寄生湯及八珍湯以祛邪固本而痊石山治

一婦懷妊八月嘗病腰痛不能轉側大便秘結醫用人

參等補劑痛益加用硝黃通利之藥燥結雖行而痛如

故汪診之脉稍洪近駛曰血熱血滯也宜用四物加木香  
乳沒黃蘗火麻仁煎服四五貼痛稍減燥結潤復加發  
熱面赤或時惡寒仍用前方去乳香沒藥加柴胡黃芩  
服二貼而寒熱除又背心覺寒腰痛復作汪曰血已利  
矣可於前方加人參一錢服之而安 汪篁南治一婦  
妊娠三箇月因閃挫傷胎腰痛小腹疼下血內有熱用  
當歸白朮黃芩上熟地川芎防風砂仁中艾葉上香附  
下用水煎服血止小腹不痛去砂仁又用雞子黃三箇

以酒攪化煮熟食之即痊

通氣散 治妊娠腰腹痛狀不可忍此藥神効

破故紙

不拘多少

瓦上炒香熟為末嚼胡桃肉一箇空

心溫酒下三錢

五加皮散

治妊娠腰痛不可忍或連髀痛先服此散

杜仲

炒四兩

五加皮

阿膠

炙

防風

金毛狗脊

川芎

白芍藥

細辛

萆薢

各三兩

杏仁

八十枚去尖皮

炒

一方有白茯苓無白芍

右咬咀以水九升煮取二升去滓下膠作三服

五加皮丸

治證同前

服前散後  
次服此丸

續斷炒

杜仲

各二兩半

芎藭

獨活

各三兩

五加皮

狗

脊

萆薢

芍藥

訶子肉

各四兩

右為細末煉蜜和丸如梧子大空心酒下四十九日

三

療觸動胎以致腰痛背痛

杜仲

五加皮

當歸

芍藥

川芎

萆薢

等分



右細剉以水七升煮取一升半分溫三服

丹仁六嫂有胎腰痛

白朮

四錢

陳皮

三錢

黃蘗

炒二錢半

人參

條芩

川芎

地黃

當歸尾

各半兩

甘草

炙一錢

右分四貼水酒煎服

療妊娠氣壅攻腰痛不可忍兼治腹痛

當歸

三兩

阿膠

甘草

各二兩

蔥白

一升

右細剉以水七升煮取三升去滓分溫三服

大地黃丸

治產前後腰腹疼一切血疼兼治血氣虛

四肢不舉骨髓熱疼

熟地黄

二兩

烏梅肉

當歸

各一兩

右為細末煉蜜為丸如彈子大每服一九空心白湯嚼下

紫酒 治妊娠腰痛如折

大黑豆

二合

炒令香熟以酒一大盞煮取七分去豆

空心頓服

本治胎動腰痛搶心或下血取蔥白不拘多少濃煮汁

飲之

療妊娠腰背痛反覆不得

鹿角

長六寸燒令赤酒中  
淬再燒再淬以角碎

為度取所淬酒飲之一方鹿角為末酒服亦可

卒腰痛不安或腰痛胎轉搶心下血不止用菖蒲汁酒一升服之

妊娠卒胎動不安或但腰痛或胎轉搶心或下血不止艾葉一把如雞子大以酒四升煮取二升分為二服良

小品芩根湯 療損動胎腰腹痛去血胎動向下方

生乾地黄

芩根各二兩

當歸

芍藥

阿膠

甘草

各一兩

右細切以水六升煮取二升去滓內膠煎烱分溫三服忌海藻蕪荑

心腹脹滿

大舍夫妊娠心腹脹滿者由腹內素有寒氣致令停飲妊娠重因觸冷飲發動與氣相平故令心腹脹滿也

薛前證若外感風寒內傷飲食用藿香正氣散

見雜病中風

若食傷脾胃用六君子湯若陽氣壅滯用紫蘇飲

見胎上遍

心

一妊娠飲食停滯心腹脹滿或用人參養胃湯加

青皮山查枳殼其脹益甚其胎上攻惡心不食右關脉浮大按之則弦此脾土不足肝木所侮用六君子加柴胡升麻而愈後小腹痞悶用補中益氣湯升舉脾氣而瘥一妊婦腹脹小便不利吐逆諸醫雜進溫胃寬氣等藥服之反吐轉加脹滿湊心驗之胎死已久服下死

胎藥不能通因得鯉魚湯其論曰妊婦通身腫滿或心胸急脹名曰胎水遂去妊婦胸前看之胸肚不分急以鯉魚湯三五服大小便皆下惡水腫消脹去方得分娩死胎此證蓋因懷妊腹大不自知覺人人皆謂妊娠孕如此終不知胎水之患也

倉公下氣湯 治妊娠心腹脹滿兩脇妨悶不下飲食  
四肢無力

羌活 赤芍藥 甘草 檳榔 青皮 大腹皮

陳皮 赤茯苓 半夏 桑白皮 桂心

各半兩

紫蘇莖

二兩

右㕮咀每服三錢水一盞薑五片棗一箇煎七分去

滓服無時 局方分心氣飲大同小異加燈心煎

訶梨勒散 療妊娠心腹脹滿氣衝胸膈煩悶四肢少

力不思飲食

訶梨勒 赤茯苓 前胡

各一兩

陳皮 大腹皮

桑白皮

各七錢半

枳殼

川芎

白朮

各半兩

右為粗末每服四錢水一盞半薑三片棗子一箇煎至七分去滓溫服無時

安胎和氣飲 治胎冷腹脹痛引兩脇小便頻數大便虛滑

訶子

麴裏煨去核

白朮

各二錢

陳皮

去白

高良薑

炒

木香

不見

火

白芍藥

陳米

炒

甘草

炙各一錢

右作一服水二盞生薑五片煎至一鍾不拘時服忌

食生冷之物



治妊娠心下滿氣急切痛

赤茯苓

桑白皮

五分前胡

四分郁李仁

檳榔

各三分

右為細末以水一升煮取一半去滓夜卧服

紫蘇飲

治妊娠心腹脹滿兩脇妨悶

見胎上逼心

枳殼湯

治婦人妊胎腹脹

枳殼

三兩

黃芩

一兩

右為粗末每服五錢水盞半煎溫服如胎前腹滿

身體沉重加白朮一兩

仲景婦人懷妊六七月脉弦發熱其胎愈脹腹痛惡寒

者少腹如扇所以然者子藏寒故也當以附子湯溫其藏

附子湯方

附子

二枚炮去皮破八片

白朮

四兩

茯苓

芍藥

各三兩

人參

二兩

右五味以水八升煮取三升去滓溫服一升日三服  
婦人懷身傷胎腹滿不得小便從腰以上重如有水氣  
狀懷身七月太陰當養不養此心氣實當刺瀉勞宮及  
關元小便微利則愈

胎水腫滿

寶產論曰夫妊娠腫滿由臟氣本弱因產重虛土不尅水血散入四肢遂致腹脹手足面目皆浮腫小便秘澀陳無擇云凡婦人宿有風寒冷濕妊娠喜腳腫俗呼皸脚亦有通身腫滿心腹急脹名曰胎水論曰凡妊娠之人無使氣極若心靜氣和則胎氣安穩若中風寒邪氣及有所觸犯則隨邪而生病也凡妊娠經血壅閉以養胎若忽然虛腫乃胎中挾水水血相搏脾胃惡濕主

身之肌肉濕漬氣弱則肌肉虛水氣流溢故令身腫滿也然其由有自或因泄瀉下痢臟腑虛滑耗損脾胃或因寒熱瘧疾煩渴引飲太過濕漬脾胃皆能使頭面或手足浮腫也然水漬於胞兒未成形則胎多損壞及其臨產日脚微腫乃胞臟水少血多水出於外故現微腫則易生也宿有寒氣因寒冷所觸故能令腹脹腫滿也產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至

於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐大段甚者慮將產之際費力有不測之憂故不可不治於未產之前也古方論中少有言者按名醫錄宋少主元徽中與徐文伯微行學鍼法文伯見一妊婦足腫不能行少主脉之此女形也文伯診之曰此男胎也在左則胎黑色少主怒欲破之文伯惻然曰臣請鍼之胎遂墮男形面色黑此妊娠足腫之說見於古者今巢氏病

源中但有子煩之論千金并寶產方亦畧言之劉禹錫  
續傳廣信方以為妊婦有水氣而成胎太平聖惠亦言  
之皆非也元豐中淮南陳景初名醫也獨有方論治此  
病方名初謂之香附散李伯時易名曰天仙藤散也

薛前證若胸滿腹脹小便不通遍身浮腫用鯉魚湯脾  
胃虛弱佐以四君子若面目虛浮肢體如水氣用全生  
白朮散如未應用六君子湯脾虛濕熱下部作腫用補  
中益氣加茯苓若飲食失宜嘔吐泄瀉用六君子湯若

腿足發腫喘悶不安或指縫出水用天仙籐散脾胃虛弱兼四君子湯如未應用補中益氣湯若脾肺氣滯用加味歸脾湯佐以加味道遙散 一妊婦苦胎至五月肢體倦怠飲食無味先兩足腫漸至遍身後及頭面此是脾肺氣虛朝用補中益氣夕用六君子加蘇梗而愈凡治妊娠勿泥月數但見某經證即用本藥為善 一妊婦年三十八妊娠水腫以鯉魚湯加五苓散人參濕加蒼朮一錢厚朴陳皮五分蘿蔔子炒車前子滑石各一

錢作一貼若喘急加苦葶藶小便不利加木通燈草甚者車前子濬川散其濕毒自消防已治腰已下濕熱腫如內傷胃弱者不可用也

天仙藤散

天仙藤

洗畧炒

香附子

炒

陳皮

甘草

烏藥

不必天台者但得軟白辛而香者良

右等分淨秤為細末每服三錢水一大盞薑三片木瓜三片紫蘇三葉同煎至七分放溫澄清空心食前日三服小便利氣脉通體輕腫漸消更不須多服

元豐



宋王荆公居金陵舉家病以詩贈景初曰舉族貧兼病煩君藥石功到家何所寄一一問征鴻因此見方得於李伯時家傳方

錄於臨川張右丞宅

產寶療妊娠身腫有水氣心腹脹滿小便少

茯苓

四兩

杏仁

檳榔

各三兩

旋覆花

郁李仁

各一兩

右為粗末以水六升煮取二升去滓分溫三服小便

通即瘥

崔氏療妊娠體腫有水氣心腹急滿

茯苓

白朮

各四兩

旋覆花

二兩

杏仁

黃芩

各三兩

右細切以水七升煮取二升半分溫三服忌桃李雀肉  
酢物

療妊娠遍身洪腫葶藶子散

葶藶子

兩一

白朮

兩五

茯苓

桑白皮

郁李仁

兩各二

右為粗末水六升煮取二升分三服小便利即瘥

又方 澤瀉

葶藶子

兩各二

茯苓

枳殼

白朮

兩各六

右細切以水六升煎取二升分溫兩服小便利即瘥

澤瀉散

治妊娠氣壅身體腹脇浮腫喘急大便不通

小便赤澀宜服

澤瀉 木通 桑白皮 赤茯苓 枳殼

檳榔

各二錢半

右作一服水二鍾生薑五片煎至一鍾食前服

防已湯 治妊娠脾虛通身浮腫心腹脹滿喘促小便不利

防已

一錢半

桑白皮

赤茯苓

紫蘇莖葉

各二錢

木香

半錢

作一服煎服法同前

千金鯉魚湯 治妊娠腹大胎間有水氣

白朮 五兩 茯苓 四兩 當歸 芍藥 各三兩

右細剉片以鯉魚一尾修事如食法煮取汁去魚不用每服四錢入魚汁一盞半生薑七片橘皮少許煎至七分去滓空心服集驗同

腎著湯 治妊娠腰脚腫

茯苓 白朮 各四兩 乾薑 甘草 各二兩 杏仁 三兩

右㕮咀每服四錢水一盞半煎至七分食前服

指迷五皮飲 治胎水尋常脾虛腫滿亦治

大腹皮 桑白皮 生薑皮 茯苓皮 橘皮

各等分

右咬咀每服半兩水二盞濃磨木香水一呷同煎至八分去滓空心溫服亦治男子脾虛腫滿

治妊娠兩腳浮腫名曰脆脚因脾衰不能制水血化成水所致用生料平胃散薑棗水煎服或為末紫蘇煎湯調下

全生白朮散 治妊娠面目虛浮如水腫狀

白朮

一兩

生薑皮

大腹皮

茯苓皮

陳皮

各半兩

右為細末每服二錢米水調下不拘時

子和治妊娠從脚上至腹腫小便不利微渴豬苓五兩  
為末以熟水服方寸匕日三服

丹子腫多濕用山梔一撮米水吞下

腹內鐘鳴

大治孕婦腹內鐘鳴用鼠窟前後土為細末研麝香酒  
調下二錢其產婦立愈

補遺治孕婦腹中兒哭用川黃連濃煎汁令母常呷之  
薛按產寶云小兒在腹中哭其治法亦用空房中鼠穴  
土或黃連煎濃汁飲之即止想即是證又云臍帶上疔  
瘡兒含口中因妊婦登高舉臂脫出兒口以此作聲令  
妊婦曲腰就地如拾物狀則仍入兒口即止然黃連性  
寒麝香開竅當酌量用之

積聚

素黃帝問曰婦人重身毒之何如岐伯曰有故無殞亦

無殞也帝曰願聞其故何謂也岐伯曰大積大聚其可

犯也衰其太半而止過者死

至真要論

丹血塊如盤有孕難服峻劑此方主之

香附子

醋煮四兩

桃仁

去皮尖一兩

海粉

醋煮二兩

白朮

一兩

右為末麵糊丸服

孕癰

治孕癰立效

烏藥

研出洪州軟白香辣者良

右用五錢水一盞牛皮膠一片同煎至七分溫服



補遺治孕中有癰 薏苡仁煮汁飲之

薛按孕癰即是腹內患癰如前法不應宜用牡丹皮散

或薏苡仁湯

方見外科內癰

傷食

大經云飲食至倍腸胃乃傷又云陰之所生本在五味陰之五官傷在五味若妊子飲食不節生冷毒物恣性食噉致傷脾胃故妊娠傷食最難得藥唯此二方最穩捷

木香丸  
白朮散

薛東垣先生云脾胃之氣壯則過時而不

饑多食而不傷蓋胃主司納脾主消化五臟之本也然  
食倍而傷者乃脾氣虛而不化也若投以峻劑則脾胃  
復傷而胎亦損矣當審其所因而調治之若飲食停滯  
或肚腹作痛用平胃散嘔吐惡心加枳殼砂仁吞酸噯  
腐加黃連三分吳茱萸二分腹滿泄瀉用六君子湯停  
滯肉食倍加山楂停滯麵食倍加麥蘖停滯糯食用白  
酒麴末一味米食停滯倍加穀蘖魚腥所傷倍加陳皮  
傷辛熱之物加黃連傷性冷之物加砂仁木香如不應

更加肉豆蔻補骨脂再不應四神丸若脾氣下陷用  
補中益氣湯凡噯覺藥氣且戒藥餌節飲食經云損其  
脾者調其飲食適其寒溫大凡脾胃虛弱飲食難化以  
白朮陳皮為末等分陳麴糊丸常服最善枳朮丸但可  
暫用枳實峻厲能耗真氣治者慎之 一妊婦因停食

服枳朮丸胸腹不利飲食益少更服消導寬中之劑其  
胎下墜余謂此脾氣虛不能承載也用補中益氣及六  
君子湯中氣漸健其胎漸安又用八珍湯加柴胡升麻

調理而痊

木香丸 治婦人有孕傷食

木香 二錢 三稜 人參 白茯苓 各三錢

右為細末麵糊丸如菉豆大熟水吞三四十丸

白朮散 治妊娠氣不調和飲食易傷

白朮 炒 乾紫蘇 各一兩 人參 白芷 炒各七錢半 川芎

訶子皮 青皮 各半兩 甘草 二錢半

右為末每服二錢水一盞薑三片煎至七分溫服

局方小七香散

見雜傷飲食

保氣散

見坐月

二方治傷食良效

鄭氏勝金散

治妊婦因食傷胎傳於脾胃氣虛冷逼

小腹脹痛或腰重大便秘

吳茱萸

酒浸

陳皮

川芎

乾薑

炮

生薑

切焙各一錢半

炙甘草

厚朴

薑製各三錢

右為細末每服三錢陳米飲下入鹽煎尤妙濟生加

砂仁

中惡

大夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣自養而為精神之主若血氣不和則精神衰弱故邪毒之氣得以中之妊娠之病亦致損胎也 薛前證當調補正氣為善用金銀藤一味煎湯飲之

當歸散 治妊娠中惡心腹疼痛

當歸

丁香

川芎

各三兩

青橘皮

二兩

吳茱萸

半兩 去梗

湯泡三  
次炒黑

右為細末無時溫酒調一錢

又方 生乾地黄

兩

枳殼

木香

各七錢半

為細末每服一

錢酒調下

又方

苦梗

二兩細剉畧炒

生薑

半兩

水煎服之

補遺

治妊娠中惡心腹絞急切痛如鬼擊之狀不可

按摩或吐血或衄血者用熟艾

如拳大

煮汁頓服 又

方用鹽一盞水二盞調和服以冷水嚥之吐出即安

又方 竈心土為末每二錢井水調服白湯調亦可

又法 取汗衣用男子貼體久染汗者佳燒灰存性百

沸湯調服

中風

大論曰夫四時八方之氣為風也常以冬至之日候之若從其鄉來者長養萬物若不從其鄉來者名為虛邪賊害萬物人體虛則中之若風邪客於皮膚入於經絡即頑痺不仁若入於筋脈挾寒則攣急喎僻挾溫則弛縱若入臟腑則恍惚驚悸凡五臟俞皆在背臟腑虛寒邪皆從俞而入隨所傷臟腑經絡而為諸病妊娠中風若不早治則令墮胎也 薛按病機要云風本為熱熱



勝則風動宜以靜勝其躁是亦養血也治法須少汗亦宜少下多汗則虛其衛多下則損其榮雖有汗下之戒而有中臟中腑之分中腑者多著四肢則脉浮惡寒拘急不仁中臟者多著九竅則唇緩失音耳聾鼻塞目瞽便秘中腑者宜汗之中臟者宜下之表裏已和宜治在經當以大藥養之此中風之要法妊婦患之亦當以此施治而佐以安胎之藥

防風散 治妊婦中風卒倒心神悶亂口噤不能言四

肢急強

防風

去蘆

葛根

桑寄生

各一兩

羚羊角屑

細辛

去苗

當歸

去蘆

甘菊花

漢防已

去皮

秦艽

去蘆

桂心

茯神

去木甘草

炙各半兩

右咬咀每服八錢水一中盞半生薑五片煎至一大盞去滓入竹瀝半合攪勻溫服無時

生犀角散 治妊娠卒中風不語四肢強直心神昏憤

生犀角屑

麻黃

去節各一兩

防風

去蘆

赤箭

羌活

當歸

人參

各去蘆

葛根

赤芍藥

各七錢半

甘草

炙

秦艽

各半兩

石膏

一兩半

右為呔咀每服八錢煎服法如前

防已散

治妊娠中風口眼喎斜手足頑痺

防已

去皮羌活

防風

各去蘆

麻黃

去節

松木節

羚羊

角屑

各一兩

桂心

荊芥穗

薏苡仁

桑寄生

甘草

炙各半兩

右呔咀每服五錢水一中盞半生薑五片煎至一大

盞去滓溫服不拘時候

獨活散 治妊娠因洗頭中風身體強硬牙關緊急失

音不語並皆治之

獨活

去蘆

赤箭

麻黃

去節

阿膠

各一兩

烏犀角屑

羌

活

活

去蘆

防風

去蘆

天蓼木

白附子

炮各七錢半

漢防已

去皮

桂心

桂心

芫薺

白殭蠶

微炒用各半兩

龍腦

二錢半

細研

右為細末入研藥令勻每服二錢薄荷湯調下不拘

時

白殭蠶散 治妊娠中風口噤心痛痰涎壅滯言語不

得四肢強直

白殭蠶炒 天麻 獨活去蘆各一兩 麻黃去節一兩半 烏犀

角屑七錢半 白附子炮 半夏湯洗七次薑製 天南星炮 藿香

各半 龍腦二錢半 研

右為細末入研藥令勻每服一錢生薑薄荷湯調下

不拘時日三服

赤箭丸 治妊娠中風手足不隨筋脉緩急言語蹇澀

皮膚不仁

赤箭

萆薢

酒浸

麻黃

去節

獨活

去蘆

鼠黏子

熟乾地

黃

羚羊角屑

各一兩

阿膠

炒

防風

去蘆

芎藭

當歸

炒去蘆

薏苡仁

五加皮

秦艽

去蘆

漢防已

去皮 柏子

仁

酸棗仁

炒

丹參

去蘆各

七錢半

右為細末煉蜜和搗三五百下丸如梧子大每服三十丸豈淋酒送下食前服

白朮酒

治妊娠中風口噤語言不得

白朮一兩半獨活一兩黑豆一合炒

右細剉以酒三升煎取一升半去滓分溫四服口噤者拗口灌之得汗即愈

治妊娠因感外風如中風狀不省人事

熟艾三兩陳米醋炒令極熟以絹帛裏熨臍下良久

即省

風痙癰

大妊娠體虛受風而傷太陽之經絡後復遇風寒相搏

發則背強口噤名之曰瘕又云瘕其候冒悶不識人須

臾自醒良久復作謂之風瘕一名子癇亦名子冒甚則

反張 薛前證若心肝風熱用鈎藤湯見胎動 肝脾血虛

加味逍遙散見調經 肝脾鬱怒加味歸脾湯見雜健忘 氣逆痰

滯紫蘇飲肝火風熱鈎藤散見眩暈 脾鬱痰滯二陳薑汁

竹瀝若兼證相雜當參照子煩門

羚羊角散 治妊娠冒悶角弓反張名曰子癇風瘕

羚羊角鎔獨活 酸棗仁炒 五加皮 薏苡仁炒



防風

當歸

酒浸

川芎

茯苓

去木

杏仁

去皮尖

各五分

木香

甘草

炙各二分

右薑水煎服

小品療妊娠忽悶眼不識人須臾醒後發亦有不醒者  
名為瘧病亦名子癰亦名子冒宜葛根湯 若竹近可  
速辦者當先作竹瀝汁次辦湯也其竹遠不可即辦者  
當先辦湯此二療會得其一種竹瀝偏療諸瘧絕起死也  
非但偏療妊娠產婦絕死者有効小兒或癰瘡金瘡發

瘧療之亦驗

葛根湯方 治妊娠臨月因發風瘧悶憤不識人吐逆

眩倒小醒復發名曰子癇

葛根 貝母去心 牡丹皮 木防已 防風 當歸

川芎 白茯苓 桂心 澤瀉 甘草各二兩 獨活

石膏 碎人參各三兩

右細切以水九升煮取三升分三服貝母令人易產  
若未臨月者以升麻代之忌海藻松菜酢物 按此

方犯桂牡丹不如羚羊角散之安

羌活酒 治妊娠中風瘕口噤四肢強直角弓反張

羌活

去蘆一兩半

防風

去蘆一兩

黑豆

一兩炒去皮

右二味為呿咀好酒五升浸一宿每服用黑豆一合炒令熟投入藥酒一大盞候沸即住去滓分兩服灌之

丹治一婦人懷妊六月發癇手足揚直面紫黑色合眼涎出昏憤不醒人事半時而醒醫與震靈丹五十餘貼

其疾時作時止無減證直至臨產方自愈產一女蓐中  
子母皆安次年其夫疑丹毒必作求治之診其脈浮取  
弦重取澀按至骨則沉實帶數時正二月因未見其癰  
發正狀未敢與藥意其舊年癰發時乃五月欲待其時  
度此疾必發當審諦施治至五月半其疾果作皆是午  
已兩時遂教以自製防風通聖散用生甘草加桃仁多  
紅花少或服或吐至四五劑疾漸疎而輕後發為疥而  
愈

瘕瘕

薛瘕者筋脉急而縮也瘕者筋脉緩而伸也一縮一伸手足相引搐搦不已大抵與嬰孩發搐相似謂之瘕瘕也此證多屬風蓋風主搖動駱龍吉云心主脉肝主筋心屬火肝屬木火主熱木主風風火相熾則為瘕瘕也治法若因風熱用鈎藤湯加柴胡山梔黃芩白朮以平肝木降心火養氣血若風瘕上涌加竹瀝南星半夏若風邪急搐加全蠍殭蠶虧損氣血用八珍湯加鈎藤山

梔為主若無力抽搐戴眼反折汗出如油者肝絕也皆不治 一妊婦四肢不能伸服祛風燥血之劑遺尿痰甚四肢抽搐余謂肝火血燥用八珍湯加炒黑黃芩為主佐以鈎藤湯而安後因怒前證復作小便下血寒熱少寐飲食少思用鈎藤散加柴胡山梔而血止用加味道遙散寒熱退而得寐用六君子湯加芍藥鈎藤鈎飲食進而漸愈

鈎藤湯

見胎動不安

鈎藤散

見眩暈

眩暈

消風散

治妊娠肝臟熱毒上攻太陽穴胸膈涎壅頭

旋目暈或腮項腫核

石膏

煨

防風

去蘆

羌活

去蘆

甘菊花

去枝梗

川芎

羚羊

羊角

鎊

當歸

酒浸去蘆

大豆黃卷

炒

荊芥穗

白芷

各一

錢

炙甘草

半錢

右作一服水二鍾好芽茶半錢煎至一鍾食遠服

犀角散

治妊娠婦人諸風熱困倦時發昏眩

犀角 揀參 山梔仁 川羌活 黃連 青黛

川芎 白芷 茯苓 甘草

炙各一錢

右作一服水一鍾生薑三片竹葉七葉煎至一鍾食遠服

### 驚悸

吳丞妻孕而驚遂病悸醫以為病在中神越焉無可為  
沈宗常以為膽傷耳俾服抱膽丸而愈

大聖散 治妊娠怔忡睡裏多驚腹脇膨脹坐卧不寧

白茯苓

去皮

麥門冬

去心

黃芪

去蘆

蜜炙

當歸

去蘆

酒浸

川芎

各一



錢半 木香

不見火

人參

甘草

炙各一錢

右作一服水二鍾生薑五片煎至一鍾服無時

抱膽丸

見雜病癰

瘡

大全孕婦不語非病也間有如此者不須服藥臨產月但服保生丸四物湯之類產下便語得亦自然之理非藥之功也醫家不說與人臨月則與尋常之藥產後能語則以為醫之功豈其功也哉 黃帝問曰人有重身九

月而瘡此為何也岐伯對曰胞之絡脉絕也帝曰何以言之岐伯曰胞絡者繫於腎少陰之脉貫腎繫舌本故不能言帝曰治之奈何岐伯曰無治也當十月復語郝翁治驗見前候胎條

煩口乾附

大全妊娠苦煩悶者以四月受少陰君火氣以養精六月受少陽相火氣以養氣若母心驚膽寒多有煩悶名曰子煩也產寶云夫妊娠而子煩者是肺臟虛而熱乘

於心則令心煩也停痰積飲在心胸之間或衝於心亦令煩也若熱而煩者但熱而已若有痰飲而煩者嘔吐涎沫惡聞食氣煩躁不安也大凡妊娠之人既停痰積飲又寒熱相搏氣鬱不舒或煩躁或嘔吐涎沫劇則胎動不安均謂子煩也 薛前證若因內熱用竹葉湯氣滯用紫蘇飲痰滯用二陳白朮黃芩枳殼氣鬱用分氣飲加川芎脾胃虛弱用六君子加紫蘇山梔 一妊婦煩熱吐痰惡食惡心頭暈此脾虛風痰為患用半夏白

術天麻湯

見雜眩暈

以補元氣祛風邪漸愈惟頭暈未痊乃

用補中益氣湯加蔓荊子以升補陽氣而愈

竹葉湯

治妊娠心驚膽怯終日煩悶名曰子煩

白茯苓

三錢

防風

麥門冬

去心

黃芩

各二錢

右作一服水二鍾竹葉五片煎至一鍾無時服

竹瀝湯出外臺秘要與前竹葉湯同內有竹瀝一合無

竹葉

又方有知母無黃芩

竹茹湯

療妊娠煩躁或胎不安

用淡青竹刮茹

一兩

以水一大升煮取四合徐徐服盡

為度

知母飲

治妊娠心脾壅熱咽膈渴苦煩悶多驚

知母

麥門冬

去心

赤茯苓

各一錢半

黃芩

黃芪

各二錢

甘草

一錢

右作一服水二鍾入桑白皮半錢煎至一盞再入竹瀝些少同煎二三沸服無時

麥門冬湯

治妊娠心驚膽怯煩悶名曰子煩

麥門冬

去心

白茯苓

防風

各三錢

人參

半

錢

右作一服水二鍾生薑五片淡竹葉十葉煎至一鍾去滓不拘時服

麥門冬散

治妊娠心煩憤悶虛躁吐逆惡聞食氣頭

眩四肢沉重百節疼痛多卧少起

麥門冬

去心

子苓

赤茯苓

各一兩

茯神

赤芍藥

陳皮

人參

苦梗

桑寄生

甘草

旋覆花

各半

生地黃

七錢半

右為粗末每服四錢水一盞薑一錢煎至七分不拘時溫服

又方

麥門冬

苧根

各三兩

黃芩

茯神

各一兩

甘草

炙

犀角屑

各半兩

右呖咀每服四錢水一盞生地黃一分淡竹葉五片煎至六分去滓溫服効

柴胡散

治妊娠心煩頭目昏重心胸煩悶不思飲食

柴胡

一兩半

赤茯苓

麥門冬

各一兩

枇杷葉

去毛

人參

橘紅

甘草

各半兩

右咬咀每服四錢水一盞薑三片煎至七分服

人參散 治妊娠熱氣乘於心脾津液枯少煩躁壅熱

乾渴

人參

麥門冬

赤茯苓

地骨皮

家乾

葛

黃苓

犀角屑

各七錢半

甘草

半兩

右咬咀每服三錢水一盞煎至六分去滓溫服

治妊娠心煩熱不止

蔥白

一握二合

右以水二大盞煎至一盞半去滓溫分三服



知母丸 治妊娠因服藥致胎氣不安有似虛煩不得

卧巢氏謂之子煩也

出產乳

知母

二兩洗焙

右為細末以棗肉為丸如彈子大每服一九煎人參湯送下 醫者不識此證作虛煩治之損動胎氣宜矣

煩躁口乾夫足太陰脾之經也其氣通於口手少陰心之經其氣通於舌若妊娠之人臟腑氣虛榮衛不理陰陽隔絕熱乘於心脾津液枯少故令心煩而口乾也

薛前證若胃經實熱用竹葉石膏湯若胃經虛熱用人參黃芪散若胃經氣虛用補中益氣湯若肺經虛熱用紫蘇飲若肝經火動用加味逍遙散若脾氣鬱結用加味歸脾湯若腎經火動加味地黃丸 一妊婦煩熱兼咽間作痛用知母散加山梔以清肺經而愈後因熱咳嗽小便自遺用補中益氣加麥門冬山梔以補肺氣滋腎水而痊

升麻散 治妊娠壅熱心神煩躁口乾渴逆

川升麻 瓜蒌根 黃芩 人參 麥門冬 柴

胡 梔子仁 犀角屑 茯神各一錢 知母 甘草

各半錢

右作一服水二鍾煎至一鍾不拘時服

知母散 治妊娠煩躁悶亂口乾及胎臟熱

知母 麥門冬 甘草各半兩 黃芪 子芩 赤茯

苓各七錢半

右㕮咀每服四錢水一盞煎至七分去滓入竹瀝一

合更煎三二沸溫服

葛根散 治婦人妊娠數月胸膈煩躁唇口乾渴身熱

少食

家葛根

野者不用

黃芩

人參

姜蕤

黃芪

麥門

冬

甘草

等分

右咬咀每服四錢水一盞竹茹一團如錢大煎七分

溫服無時

人參黃芪散

治妊娠身熱煩躁口乾食少

人參 黃芪 家葛根 麥門冬 赤茯苓 秦

朮 各一兩 知母 七錢半 甘草 兩半

每服四錢薑水竹葉煎服

補遺人參白朮散 黃芪六一散皆良

治子煩口乾不得卧用黃連去鬚細末粥飲調下  
每服一錢

吐血衄血咳唾血

大妊娠吐血者皆由臟腑有傷凡憂思驚恐皆傷臟腑  
氣逆於上血隨而溢心悶胸滿久而不已心悶甚者死

妊娠病此多墮胎也 薛前證若肝經怒火先用小柴

胡山梔生地次用前藥合四物後用加味逍遙散

見調經

肝

經風熱防風子芩丸

見胎漏下血

心經有熱朱砂安神丸

見雜

病虛煩

心氣不足補心湯

見驚悸

思慮傷心妙香散

同上胃經

有火犀角地黄湯

見吐血

膏粱積熱加味清胃散

見齒鬱結

傷脾加味歸脾湯

見健忘

肺經有火黃芩清肺飲

見淋瀝因

氣鬱滯用紫蘇飲

見胎上逼心

子氣不攝血用補中益氣湯

腎經虛火加味六味丸

見雜病虛勞

局方必勝散

治男子婦人血妄流溢吐血衄血嘔血

咯血

熟乾地黄

小薊

并根用

人參

蒲黃

微炒

當歸

去蘆

芎藭

烏梅肉

各一兩

右件藥搗羅為粗散每服五錢水一盞半煎至七分

去滓溫服不拘時

治吐血不止

馬氣勃用生布擦為末濃米飲調下

治鼻衄以白茅花濃煎汁服

心妊孕寒熱往來咳嗽血痰或嘔吐不食無力或喘滿  
乳脊相應痛或口中唾如霜雪出語無聲或耳鳴或痰  
涎日夜數碗誤用熱藥之故也刺 風門 魂戶

各五分

支溝

間使

各相透

如寒熱未解百節痠癢昏憤再取

絕骨

五分

太溪

三分

如脉氣未平瀉

太淵

太白

各二分

熱

府 已上穴實瀉虛補治產前病立効此病安後半

必有一變四肢消瘦單腹腫脹即取陰交一穴去其惡

物也



咳嗽

大舍夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心受之其嗽不已則傳於腑妊娠病久不已則傷胎也 薛前

證若秋間風邪傷肺用金沸草散

見雜病咳嗽

夏間火邪尅

金用人參平肺散

見雜病喘

冬間寒邪傷肺用人參敗毒散

見雜病傷濕

春間風邪傷肺用參蘇飲

見雜病發熱

若脾肺氣虛

用六君芳歸桔梗若血虛四物桑白皮杏仁桔梗腎火

上炎用六味丸

見雜病虛勞

加五味子煎服脾胃氣虛風寒

所傷用補中益氣

見雜病勞倦

加桑皮杏仁桔梗蓋肺屬辛

金生於巳土嗽久不愈者多因脾土虛而不能生肺氣

而腠理不密以致外邪復感或因肺氣虛不能生水以致

陰火上炎所致治法當壯土金生腎水為善 一妊婦

氣喘痰甚諸藥不効素有帶下始於目下浮兩月餘其

面亦然此氣虛而有痰飲也用六味丸料數劑而愈

一妊婦嗽則便自出此肺氣不足腎氣虧損不能局攝

用補中益氣湯以培土金六味丸加五味以生腎氣而愈 一妊婦咳嗽其痰上湧日五六碗許諸藥不應予以為此水泛為痰用六味丸料及四君子湯各一劑稍愈數劑而安 一妊婦因怒咳嗽吐痰兩脇作痛此肝火傷肺金以小柴胡湯加山梔枳殼白朮茯苓治之而愈但欲作嘔此肝侮脾也用六君子加升麻柴胡而痊 欬冬花散 治妊娘心膈痰毒壅滯肺氣不順咳嗽頭疼 欬冬花 麻黃 貝母煨 前胡 桑白皮

紫苑各半兩 旋復花 白朮 甘草各二錢半 石膏一兩

右㕮咀每服四錢水一盞薑三片煎至七分去滓溫服

苦梗散 治妊娠肺壅咳嗽喘急

桔梗 紫蘇 人參 桑白皮 貝母 甘草各半

兩天門冬去心 赤茯苓各一兩 麻黃七錢半

每服四錢水二鍾生薑三片煎至一鍾不拘時服

馬兜鈴散 治妊娠胎氣壅滯咳嗽喘急

馬兜鈴 桔梗 人參 甘草 貝母各半 陳皮

去白大肚子 桑白皮 紫蘇各一兩 五味子二錢半

右咬咀每服四錢薑三片水煎

麻黃散 治妊娠外傷風冷痰逆咳嗽不食

麻黃去節 陳皮去白 前胡各一兩 半夏湯洗 人參 白朮

枳殼炒 貝母 甘草各半

右咬咀每服四錢蔥白五寸薑三片棗一枚水煎服

百合散 治妊娠風壅咳嗽痰多喘滿

百合蒸紫苑茸洗白芍藥赤茯苓去皮桔梗炒

前胡

各去蘆

貝母

去心各一錢半

甘草五分

右作一服水二鍾薑五片煎至一鍾不拘時服

紫苑湯

治妊娠咳嗽不止胎不安

紫苑

一兩桔梗

半兩

甘草

杏仁

桑白皮

各二錢半

天門冬

一兩

右咬咀每服三錢竹茹一團水煎去滓入蜜半匙再

煎一兩沸溫服

局方華蓋散

治妊娠咳嗽不止穩重有效

見雜病咳嗽

喘

呂滄州治經歷哈散侍人病喘不得卧衆作肺氣受風邪治之呂診之氣口盛於人迎一倍厥陰弦動而疾兩尺俱短而離經因告之曰病蓋得之毒藥動血以至胎死不一奔迫而上衝非風寒作喘也乃用催生湯加芎歸煮二三升服之夜半果下一死胎喘即止哈散密囑曰病妄誠有懷以室人見嫉故藥去之衆所不知也衆慚

而去

平安散

治妊娠上氣喘急大便不通嘔吐不食腹脇

脹痛

川芎

木香

各一錢半

陳皮

熟地黃

洗

乾薑

炮

生薑

厚朴

去粗皮製炒

甘草

各一錢

右作一服水二鍾入燒鹽一捻煎至一鍾不拘時服

桔梗湯

馬兜鈴散

並見前咳嗽條

瘡



大妊娠病瘧乃夏傷暑客於皮膚至秋而發陽盛則熱陰盛則寒陰陽相離寒熱俱作其發晏者由風邪客於風府循膂而下衛氣至一日一夜常大會於風府故發曰晏與早者衛氣之行風府日下一節二十一日下至尾骶二十二日入脊內上注於伏衝之脉其行九日出缺盆其氣既止故發更早其間日發者風邪內搏五臟橫連募原其道遠其氣深其行遲不能日作也妊娠而發多傷於胎 薛前證因脾胃虛弱飲食停滯或外邪

所感或鬱怒傷脾或暑邪所傷或係飲食停滯用六君

子加桔梗蒼朮藿香外邪多而飲食少用藿香正氣散

見雜病

外邪少而飲食多人參養胃湯

見雜病

勞傷元

氣用補中益氣湯

見雜病勞倦

若鬱怒所傷用小柴胡湯

見傷

寒少陽病

兼歸脾湯

見健忘

若木侮土久而不愈用六君子為

主佐以安胎藥仍參三陰三陽經而治之

一婦人因

怒患瘡舉發無期久而不已胸腹不利飲食少思吞酸

吐痰用六君子加柴胡山梔二十餘劑尋愈但晡熱少

食又用四君子加柴胡升麻為主佐以逍遙散而痊

一妊婦瘧久不已噯氣下氣胸腹膨脹食少欲嘔便血  
少寐此屬肝脾鬱怒用歸脾湯加柴胡山梔漸愈又用  
六君子湯加柴胡山梔升麻而愈 一妊婦患瘧已愈  
但寒熱少食頭痛晡熱內熱此脾虛血弱也用補中益  
氣湯加蔓荊子頭痛頓止又用六君子湯加芩歸飲食  
頓進再用逍遙散加參朮而寒熱愈

驅邪散 治妊娠停食感冷發為瘧疾

白朮 草蓂仁 高良薑炒 縮砂仁 藿香葉

橘紅

白茯苓

去皮各一錢半

甘草

炙五分

右作一服水二鍾生薑五片紅棗一枚煎一鍾不拘時服

七寶散 治男婦一切瘧疾或先寒後熱或先熱後寒或寒多熱少或熱多寒少或一日一發或一日兩三發或連日發或間日發或三四日一發不問鬼瘧食瘧不伏水土山嵐瘴氣似瘧者並皆治之

常山

厚朴

薑製

青皮

陳皮

並不去白

甘草

檳榔

草菓

去皮各等分

右咬咀每服半兩於未發隔夜用水酒各一盞煎至一大盞去滓露一宿再用酒水煎滓一次去滓亦露一宿來日當發之早盪溫面東先服頭藥少頃再服藥滓大有神効 予嘗治一妊婦六七箇月患瘧先寒後熱六脉浮緊醫用柴胡桂枝無効予曰此非常山不愈衆醫難之越數日疾甚乃從予治以七寶散

一服瘥黃帝問婦人重身毒之奈何岐伯曰有故無  
殞帝曰何謂也岐伯曰大積大聚其可犯也衰其大  
半而止誠審藥物之性明治療之方何疑攻治哉

柴胡散 治妊娠瘧疾

柴胡 錢二 生大黃 錢二 生黃芩 錢一 甘草 錢一

右㕮咀作一服水煎臨發日五更溫服必取利為愈  
如胎上逼心可服枳殼散忌油麵辛熱等物

又方 用大黃 二兩 柴胡 一兩 黃芩 一兩 芍藥 一兩

右為細末清水糊為丸如梧桐子大每服百丸臨發日五更冷湯吞下隔兩時再服五十九以利為度若妊婦瘧疾發熱口乾渴飲無度者亦用

生地黄

半兩

黃芩

麥門冬

去心

人參

知母

各一兩

石膏

二兩

甘草

半兩

乾葛

一兩

右咬咀每服五錢入烏梅半箇煎服

又方

用常山

一兩

石膏

一兩

甘草

炙

黃芩

各半兩

烏梅

七箇

右細切以水酒各一碗浸一宿平旦煎至一碗去滓

分二服臨發時服 右方犯常山大黃吐下之劑若  
六脉浮緊有力中有頑痰積熱者用之所謂有故無  
殞也其他療治方法已備雜證瘧門茲不贅若熱甚  
恐致動胎者亦如傷寒熱病治法以白藥子伏龍肝  
等塗臍上下可也

霍亂

大夫飲食過度觸冒風冷陰陽不和清濁相干謂之霍  
亂其間或先吐或腹痛吐利是因於熱也若頭痛體疼



發熱是挾風邪也若風折皮膚則氣不宣通而風熱上衝為頭痛苦風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也 薛按前證若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也 一妊婦霍亂已止但不進飲食口內味酸泛行消導寬中余曰此胃氣傷而虛熱也當用四君子湯彼不信乃服人參養胃湯

嘔吐酸水其胎不安是藥復傷也仍與四君子湯俾煎熟令患者先嗅藥氣不作嘔則呷少許恐復嘔則胎為釣動也如是旬餘愈

人參白朮散

白朮 茯苓 人參 甘草 木香 藿香

各半兩

乾葛

一兩

右為末沸湯調服二錢吐甚者加生薑汁頻頻飲之

人參散 治妊娠霍亂吐瀉心煩腹痛

人參

厚朴

薑橘紅各二錢

當歸

炒

乾薑

甘草

炙各

錢一

右作一服水二鍾薑三片紅棗三枚煎一鍾服無時

白朮散

治妊娠霍亂腹痛吐利不止

白朮

炒

益智仁

枳殼

炒

橘紅

各七錢半

草豆蔻

煨去皮

良薑

炒各半兩

右為散每服三錢水煎入薑半分去滓溫服無時

木瓜煎

治妊娠霍亂吐瀉轉筋入腹則悶絕

吳茱萸

湯泡七次

生薑

切各七錢半

木瓜

切一兩半

一方有懷

香

七錢半

甘草

一錢

茱萸

兩半

加紫蘇煎

右細剉水二盞煎一盞二分去滓分三服熱服無時

縮脾飲 解伏熱除煩渴消暑毒止吐利霍亂之後服

熱藥太多致煩躁宜沉井水中候冷頻頻服

草薢仁

四兩

烏梅肉

三兩

甘草

二兩半

右咬咀每半兩水一碗薑十片煎八分沉冷服

妊娠霍亂腹痛四肢冷逆汗出脉虛弱者理中湯治之

右四方內用乾薑豆蔻茱萸俱大溫之劑若發熱煩渴脉數陽證者服之即死宜用後方

竹茹湯

見嘔吐


益元散

桂苓甘露飲

冬葵子湯

並見雜病

霍亂



證治準繩卷六十六